

WANTOK

NIUSPEPA BILONG OL PAPUA NIUGINI STRET

Ernst & Young audited
circulation 15,177

28 pes

Namba 967


Wik i stat long Fonde, Janueri 14, 1993

40 toea

INSAIT long NIUS



- Amamasim Nu Yia wantaim ol kalabus...p10
- Is Sepik pablik sevan bai kisim dabol pe p5
- Provinsal gavman komiti stat wok...p4 (ol ripot)



Buka disko kwin...Wanpela memba bilong Sisters Disko Grup bilong Buka long Not Solomons provins i samsam na wokim stall bilong em long Buka Bung Wantaim Festival long 18 na 19 Desemba long las yia. Foto: Kris Hakena.

Madang kaunsil laikim ol dok rejista hariap

HENRY MORABANG
i raitim

OL pipel insait long Madangtaun i gattupela mun i stap yet long rejistaim dok bilong ol.

Dispela em wanpela lo Madang Taun Interim Komisen i laik strongim long stapim ol dok long raun nating na pekpek nabaut insait long taun.

Deputi menasa bilong Madang Taun, James Una i tok olgeta dok i mas rejista. Na ol bai kisim liklik medal i gat nem bilong Madang Taun Interim Komisen long en.

Una i tok de bilong baim rejistresen bilong ol dok bai pas long 31 Mas. Ol sekyuriti bilong Madang Taun bai raun long sekim olgeta dok insait long taun.

Sapos ol sekyuriti i painim dok i no gat namba bilong Taun Komisen, ol bai kisim na i go moa long pes 2



FRI SKUL MANI NEKS WIK

GODFRIED NIAKA i raitim ... Edukesen dipatmen hatwok long skelim mani

OL OPISA bilong Edukesen Dipatmen long Mosbi i wokhat nau long stretim ol pepa wok bilong salim fri skul mani i go long wan wan provins.

Seketeri bilong Edukesen, Jerry Tetaga i makim olsem long narapela wik, ol Provinsal Edukesen Bod bai kisim dispela mani bilong karimaut fri skul polisi bilong Wingti gavman.

Mista Tetaga i tok long Trinde, 13 Janueri olsem long las wik, Fainens Dipatmen i bin givim dispela mani i go long Edukesen Dipatmen.

Mak bilong mani inap long K20.5 milien na i stap insait long 1993 baset bilong nesenel gavman.

Mista Tetaga i tok hamas mani wanpela provins i kisim bai karamapim tu ol wok i stap insait long dispela fri edukesen polisi.

Mak bilong mani gavman i makim long wan wan provins i bihainim namba bilong ol pikinini husat i skul long ol komyuniti skul, haiskul, vokesenel senta, provinsal institusen, koles bilong disten edukesen na ol nesenel haiskul. Na tu mani i bihain-

im mak bilong skul fi em wan wan provins i makim.

Mista Tetaga i tok mak i gat gutpela wokbung namel long olgeta manmeri. Bikos dispela bai mekim olgeta manmeri i luksave long dispela fri skul polisi bilong gavman.

Hia em mak bilong mani wan wan provins bai kisim insait long dispela K20.5 milien:

Provins	Mak Bilong Mani (K)
Westen	374,115
Galp	425,304
Sentrel	1,025,010
Milen Be	649,29

Oro	529,445
Sauten Hailans	946,818
Isten Hailans	1,448,150
Simbu	1,003,352
Westen Hailans	1,341,600
Wes Sepik	937,802
Is Sepik	1,497,531
Madang	1,502,598
Morobe	1,903,574
Wes Nu Briten	671,245
Is Nu Briten	1,404,408
Nu Ailan	580,173
Not Solomons	246,494
Manus	363,314
NCD	2,234,230
Enga	846,314
Kiunga/Lek Mari	243,481
i go moa long pes 3	

HINO. BOS BILONG OL HAIWE.

Hino

Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

PLIS RIPOT



LAE: Long dispela wik Mande, ol komyuniti lida long Lae i kisim wanpela man i go long plis bihain long em i ranawe long kalabus tripela yia i go pinis.

Nem bilong dispela man em Dominic Yangau Araokori bilong ples Kanduanum long Angoram, Is Sepik provins. Dominic i bin larim em yet i go long han bilong ol lida bilong Biwat setelmen komyuniti. Dominic i bin ranawe long Buimo haus kalabus long 1989 taim em i stap wetim kot long sas bilong kilim man.

Ol Biwat komyuniti i bin toktok wantaim probe-sen opis long Lae long kisim Dominic i go long plis. Tasol taim ol i lusim Dominic i go long plis ol i bin askim plis long no ken paitim Dominic na em i no ken stap long lukaut bilong plis. Ol lida i laik plis, long lusim Dominic i go stap wantaim ol na ol bai lukluk long em.

Tasol Lae plis stesin komanda, Theodore Muriki i tokim ol lida olsem kot tasol i gat pawa long larim ol man i go fri. Na em i amamas tru long Dominic long givim em yet i go long plis bihain long plis i wok hat tru long tripela yia long traim painim em. Na em i askim ol arapela kalabus husat i bin ranawe long kam na givim ol yet long plis.

KIMBE: Nupela Provinsal Plis Komnda bilong Wes Nu Briten, Titus Pamben i tokaut pinis long wanpela plis opresen em ol i tingting long wokim long stapim raskol pasin long provins. Dispela opresen ol i kolim "Operesen Klinim Wes" bai lukluk long sekim ol setelmen, sekim ol pasindia husat i kam long sip na balus sapos ol i kisim ol spakbrus o strongpela samting bilong pait i go long provins.

Samting olsem 250 plisman wantaim ol risev plisman bai stap long ol dispela wok.

Mista Pomben bai toktok tu wantaim ol lain husat i stap long ol setelmen long wok bilong piis. Em i laikim olgeta manmeri long helpim plis long stapim raskol pasin insait long provins. I tru olsem plis i no gat mani bilong wokim dispela opresen tasol ol i askim provinsal gavman na ol komyuniti long helpim plis long traim daunim raskol pasin insait long provins.

KIMBE: Plis i holim pinis 4-pela man na sasim ol long stilim K200,000 long Westpac Beng. Plis i bilip jolsem dispela 4-pela man i bin stap insait long wanpela grup na stilim mani long Westpac Beng long 15, Desemba 1992.

Nau yet plis i kisim bek K11,170 pinis. Na ol i painim long wokim yet sampela was tu long ol arapela man.

LAE: Tupela man i bin kisim bagarap taim ol pasindia bilong wanpela PMV bas i paitim ol. Dispela trabel i bin kamap long las wik Tunde long Erap long hap bilong Makham.

Plis ripot i tok 6-pela man i bin hensapim draiva wantaim ol pasindia long gan na laik kisim ol samting bilong ol. Tasol sampela pasindia i bin kalap antap long wanpela man wantaim gan na stat ronim ol arapela. Long dispela taim, ol pasindia i paitim tupela raskol nogut tru.

Bihain long dispela trabel, ol raskol man i wok long hait stap long bus na ol wanpisin bilong ol husat i stap long stelemen namel long Boys Taun i askim ol lain bilong ples long tokim ol wanem ol lain bilong ol i stap.

Ol lain bilong setelmen i bin pasim rot na askim ol lain bilong ples long tokim ol wanem ol dispela raskol lain i stap. Tasol plis i bin go long hap na rausim dispela rot blok. Nau yet ol i painim pinis bodi bilong wanpela man long ol maunten klostu long Erap. Na ol i bilip em i bodi bilong wanpela bilong ol dispela raskolman

Moa plis ripot long pes 11

Wes Sepik kisim K20,000 bilong ileksen

FELIX RAMRAM i raitim

PROVINSAL ileksen long Wes Sepik provins i bin stat wantaim sampela hevi.

Long tingting bilong Asisten Ritening Opisa bilong Aitape, Leo Yemiten, dispela ileksen i "wanpela rabis ileksen" bikos ol samting i no ran stret

tumas.

Mista Yemiten i tok ol wok long bungim hevi long ranim ileksen olsem ol balot pepa i kam let, patrol alauwens i kamap let, ol balot bokis i kamap let na i no gat planti ka bilong wok.

"Mipela i bungim ol

dispela hevi bikos i no bin gat inap taim long redi long dispela ileksen. Bikos, nau tasol nesenel ileksen i pinis," Mista Yemiten i tok.

Em i go het na tok olsem long dispela hevi, provinsal ileksen i no ran gut bihainim taim ol i bin makim long em.

Long bekim ol toktok bilong em, provinsal ilektrol opisa Lazarus

Kalaive i tok ol i kisim pinis K20,000 i kam long ilektrol Komisen long ranim ileksen.

Dispela i kamap bihain long em i salim wanpela pas i go long ilektrol Komisen na askim long K35,000 bilong holim ileksen long mun Desemba las yia. Dispela mani i bilong mekim ol wok bilong ileksen na i no bilong baim ol opisa.

Mista Kalaive i tok i tru olsem ol i bungim sampela hevi, tasol ileksen bai go het

bihainim taim ol i makim long en.

"Ol pipel bai stat vot long Januəri 16-23," Mista Kalaive i tok.

Long sait bilong trenspot long itaim bilong ileksen Mista Kalaive i tok olgeta distrik bai gat ka bilong wok. Tasol long ol hap olsem Telefomin, Oksapmin, Yapsie na ol arapela hap we i no gat rot, ol bai yusim wanpela helikopta.

Long nau yet, i no gat wanpela bikpela trabel bilong ileksen i kamap.

Australia givim K300,000 long helpim ol refuji

AUSTRALIA bai givim K300,000 i go long Yunaited Nesen Hai Komisina bilong ol Refuji (UNHCR) long lukautim ol pipel bilong Wes Irien husat i kam stap long Papua Niugini.

Ektim minista bilong Foren Afeas na Tred long Australia, John Kerin i bin tokaut long dispela long Mande, 11 Januəri.

"Long nau i gat klostu long 3,500 pipel bilong Wes Irien i wok long kisim helpim bilong UNHCR long Papua Niugini," Mista Kerin i tok.

Em i tok olsem long neks yia, UNHCR na PNG gavman bai muvim ol 2,000 refuji long ol boda eria i go long wanpela setelmen long Is Awin long Westen provins.

Australia i bin stat givim mani long UNHCR long helpim ol refuji long 1984 yet. Na i kam inap nau, em i bin givim klostu long K7.7 milien pinis.

Bai no gat dinau long PNGBC

NO GAT wanpela man i kisim yet wok bilong deputi menesing dairekta bilong Papua Niugini Benging Kopresen (PNGBC). Dispela wok i stap nating yet.

Menesing dairekta bilong PNGBC, Henry Fabila i bin mekim dispela toktok bihain long wanpela ripot i kamap long Wantok Niuspepa las wik olsem deputi menesing dairekta bilong PNGBC em Stanis Bai. Na em i gat bikpela dinau wantaim beng.

Tasol ripot i kam long menesmen bilong PNGBC i tok dispela ol ripot i no tru. Ripot i tok Mista Bai i no wok olsem deputi menesing dairekta bilong PNGBC. Em i holim wok tasol olsem sinia eksekutiv menesa long wanpela han bilong beng. Na tu PNGBC i no save kalabusim ol manmeri husat i no baim o bekim ol dinau bilong ol.

Narapela ripot i daunim tu ol stori olsem kampani bilong Mista Bai i gat K800,000 dinau wantaim beng i no tru. Mista Bai yet i no gat nem wantaim dispela kampani, Ngatia Wholesalers Pty Limited bilong Kimbe long Wes nu Briten provins.

i go moa long pes 3

ol memba bilong ol. Na askim ol long tok save long as tingting bilong ol long apim projek mani bilong ol yet.

Em i tok long 1992, wanpela ripot i bin soim olsem ol memba i bin yusim moa mani abrusim mani ol i bin makim long baset.

Tasol ol i no bin givim ol as bilong ol long yusim kain mani olsem.



• Wanpela kendidet, Pelen Aloitch i baim fi na sainim ol pepa bilong em long resis long ileksen long Wes Sepik.

Ol Isten Hailans provinsal memba laik helpim ol yet: tisa

SAPE METTA i raitim

PLANTI komplem i kamap long mani ol provinsal memba bilong Isten Hailans i makim bilong ol yet long 1993 baset.

Wanpela tisa i tok ol memba i givim ol yet bikpela mani bikos ol i laik yusim mani long helpim ol yet pastaim long gavman i rausim ol.

Hetmasta bilong Anuaai Komyuniti skul long Okapa distrik, Stanley Gilbert i tok planti ol skul na helt senta long provins i bagarap tru.

Tasol ol memba i no lukluk long dispela. Ol i putim mani long wokim

ol projek i no gat plen long en.

Em i tok long las 5-pela yia i go pinis, ol i bin askim ol memba long lukluk long dispela hevi. Na i kam inap nau, no gat samting i kamap yet.

Narapela komyuniti lida bilong Okapa yet, lowae Josah i bihainim tok bilong Mista Gilbert na i tok ol memba i giman putim ol projek nem nating. Bikos ol i laik kisim mani long helpim ol yet na ol famili bilong ol.

Olsem na em i tok ol pipel bilong Isten Hailans i mas bungim

Ol dok long Madang mas rejista

i kam long pes 1

kilim. Sapos ol dok i gutpela, ol bai putim long dok kompaun inap ol papa bilong ol dok i baim rejistresen bilong ol.

Una i askim olgeta pipel long bihainim dispela lo. Deputi menesa i tok strong olsem sapos wanem ol man i brukim lo, ol bai kisim spot fain.

Em i tok sapos ol papa bilong dok i bikhet, ol bai kisim ol i go long kot.

Fi bilong ol dokman em K10 na dokmeri em K15. Dispela fi i karamapim ol dok i gat 6-pela mun na i go antap.

Deputi menesa i tok Komisen i laik strongim dispela lo bikos planti dok i save raun long bikrot na pekpeke nabaut. Dispela i save bagarapim stret ol ples.

Ol 1993 provinsal baset

Sauten Hailans

Eria	Mani long tausen(K)
Infrastraksa	12,65,000
Sosel Sevis	4,571,300
Edministresen	2,184,500
Taun Developmen	1,625,000
Ikonomik Sevis	1,439,700
Lo na Oda	671,000

Namba bilong olgeta mani K22,556,500

Sandaun

Eria	Mani long tausen(K)
Politikel Edministresen	874,900
Edministresen	652,600
Provinsal Kapitel Woks Program	1,213,000
Rurel Impruvmen Program	217,800
Meintenens	360,300
Maina Woks	101,700
Ol gren na subsidi bilong ol dipatmen	562,900
Mani bilong ol olupela program	50,000
Mani bilong ol wok nabaut	20,000

Namba bilong olgeta mani K4,053,600

Westen Hailans

Suspended provinsal gavman i bin oraitim 1993 baset bilong ol. Taim gavman i makim edministreta Peter Wama long ranim provins, em i bin holim pasim baset na sekim gen long mekim sampela senis. Olsem na baset i no redi yet.

Morobe

Eria	Mani long tausen(K)
Gavman Sekta	11,931,000
Edministresen	2,473,849
Ikonomiks	5,063,196
Sosel Sekta	2,073,365
Disentrelaisesen	3,673,089
Trenspot na Kom yunikesen	936,495
Infrastraksa	6,934,500

Namba bilong olgeta mani K17,484,320

Ol provins wetim yet fri skul mani

GODFRIED NIAKA I raitim

OLGETA papamama i bin amamas taim Praim Minista Paia Wingti i tokaut olsem gavman bilong em bai givim fri edukesen long ol studen husat i wokim gred 1 i go inap long gred 8, wantaim ol studen husat i skul long ol vokesimal senta, na Koles ov Distens Edukesen.

Mista Wingti i tokaut tu olsem gavman bilong em bai givim subsidi long ol studen husat i wokim gred 9 i go inap long gred 12.

Taim gavman i brukim 1993 baset, ol i givim K20.5 milien i go long Edukesen Dipatmen long karimaut dispela fri edukesen polisi bilong en, na tu givim skul fi subsidi long ol arapela studen.

Tasol planti skul insait long ol provins i no kisim ol lukim pes bilong dispela mani yet. Tupela wik tasol bipo long 1993 skul yia i stat, na nogat wanpela samting i kamap yet long dispela fri skul na skul fi subsidi.

Ol provins insait long Momase rijon olsem

Morobe, Madang, Is na Wes Sepik, ol Provinsal Edukesen Bod bilong ol haikul na komyuniti skul i no kisim yet dispela mani bilong ranim fri edukesen.

Provinsal Asisten Seketeri bilong Edukesen long ol dispela 4-pela provins i tok nau yet ol i no kisim dispela mani we gavman i makim bilong wanwan provins long ranim fri edukesen.

Wes Sepik

Eking Edukesen Seketeri bilong Wes Sepik provins, Ignas Wunum, i tokaut olsem ol i wetim yet dispela mani. Em i tok sapos ol i no kisim dispela mani, ol bai tokim ol papamama long baim skul fu fi olsem bilong las yia. Na taim Edukesen Dipatmen i kisim dispela fri skul mani, em bai bekim mani bilong ol papamama.

Mista Wunum i tok bihain long dispela wik em bai toksave long ol papamama long baim skul fi bilong ol pikinini husat i skul long ol haikul na komyuniti skul.

Morobe

Asisten Seketeri bilong Edukesen long Morobe

provins, Samson Mangot i tokaut olsem dipatmen bilong em tu i wet yet long kisim dispela mani bilong karimaut fri skul.

Mista Mangot i tok long nau yet ol i no kisim wanpela toksave long wanem taim stret ol bai kisim dispela mani. Tasol em i bilip olsem ol bai kisim dispela mani long Fraide Januəri 15.

Is Sepik

Wankain hevi tu i stap long Is Sepik provins. Wanpela opisa long Edukesen Dipatmen long Is Sepik, John Yaure, i tok tupela wik tasol i stap bipo long skul. Na ol i no kisim yet wanpela stretpela toktok i kam long Edukesen Dipatmen long Mosbi, dispela em long wanem taim stret ol bai givim aut dispela mani bilong fri edukesen bilong ol komyuniti na haikul i go long ol Provinsal Edukesen Bod bilong wanwan provins.

Mista Yaure i tok olsem sapos nogat orait ol papamama yet bai baim skul fi bilong pikinini bilong ol.

Madang

Edukesen Dipatmen long Madang tu i wok long painim wankain hevi tasol. Na ol i wok long wetim tasol toktok i kam long Edukesen opis long Mosbi.

Ol LG Kaunsil bai askim NEC long saspending Madang gavman

PRESIDEN bilong tupela bikpela lokol gavman kaunsil long Madang i bungim nau ol arapela kaunsil presiden, na tu i wokhat long kisim sapot bilong ol pipel. Dispela em long askim Nesenel Eksekyutiv Kaunsil (NEC) long stapim wok bilong Madang provinsal gavman.

Presiden Jack Nagg bilong Ambenob Lokol Gavman Kaunsil, na Presiden Lawrence Maguna bilong Karkar Lokol Gavman Kaunsil i go pas long dispela muv.

Ol skul askim ol papamama nau long baim skul fi

OL niuspepa ripot bilong dispela wik i tok planti komyuniti na haikul insait long provins olsem Tusbab long Madang na Bugandi long Morobe i tokim pinis ol papamama long baim ful skul fi olsem las yia.

Na taim ol i kisim dispela promis mani bilong fri edukesen, bai ol bekim mani bilong ol papamama.

Is Nu Briten

Asisten Seketeri bilong Edukesen long Dipatmen bilong Is Nu Briten, Steven Tabu, i tokaut olsem dipatmen bilong em i tingting planti nau long wanem taim bai ol i kisim mani bilong ranim fri edukesen insait long provins.

Mista Tabu i tok i no longtaim na skul bai stat gen. Tupela wik tasol i lep. Na nogat wanpela toksave i kam long Edukesen Dipatmen long Mosbi.

Em i tok ol i kisim tasol Ministeriel Polisi Statmen i kam long Edukesen Dipatmen long Mosbi.

Tasol ol i no kisim yet wanpela stretpela toksave long wanem taim stret Nesenel Edukesen Dipatmen bai givim aut mani bilong bilong fri edukesen.

Mista Tabu i tok nau yet em i les long mekim wanpela toktok. Olsem na em bai stap isi tasol na wet long wanem kain toksave bai kam long Mosbi.

Westen Hailans

Asisten Seketeri bilong Dipatmen bilong Edukesen long Westen Hailans, Malcolm Culligan, tu i mekim wankain toktok.

Mista Culligan i tok dipatmen bilong em, na tu ol papamama i wok wetim yet dispela mani.

Em i tok long nau yet olgeta papamama i wok long toktok long dispela samting.

Mista Culligan i tok nupela gavman i bin toktok tumas long dispela fri edukesen skim. Olsem na nau em i mas lukluk na givim aut hariap mani long wanwan provins.

Em i tok ol papamama i save

nau olsem ol pikinini husat i wokim gred 1 i go inap long gred 8, ol i no inap long baim skul fi bilong ol.

Em i tok dispela em i wok bilong gavman nau long baim. Long wanem gavman i bin mekim planti toktok promis olsem em bai givim fri edukesen long dispela ol studen.

Mista Culligan i tok tu olsem Edukesen opis long Mosbi i mas hariap nau long stretim dispela mani. Long wanem dispela bai givim taim tu long ol Provinsal Edukesen Bod bilong wanwan provins long wokim baset bilong ol long hamas mani wanwan komyuniti na provinsal haikul bai kisim.

Culligan i tok gavman i noken westim taim long givim aut dispela mani. Long wanem taim ol i bin promisim ol pipel, ol i no bin westim taim long promis. Olsem na long wok bilong givim dispela mani i mas kamap hariap.

Bai no gat asua

i kam long pes 2

Long dispela kampani, ripot i tok Mista Bai i gat wanpela sea tasol namel long narapela 3999 sea em Ulamona Developmen Kopresen i papa long en. Tasol, Mista Bai em i memba tasol bilong Bod bilong ol Dairekta bilong Ngatia Wholesalers Pty Limited.

Ol ripot i tok tu olsem wanem man husat i bin givim stori las wik i bin mekim olsem tasol long bagarapim gutnem bilong Mista Bai. Bikos em i gat bikpela sans bilong kisim wok olsem deputi menesing dairekta bilong beng.

Ripot i tok dispela kain samting i kamap tasol long pasin jeles.


Ol provins bai kisim fri skul mani stat neks wik

i kam long pes 1

Mista Tetaga i tokaut olsem nem na skel bilong ol komyuniti skul long Madang na Wes Nu Briten i no stap insait long dispela tebol. Long wanem long dispela yia, dispela tupela provins bai gat 700 gret 7 studen. Madang bai kisim 560 moa studen, na Wes Nu Briten bai kisim 140 moa.

Na gavman bai givim K150 subsidi i go long wan wan studen. Olsem na wan wan bilong dispela tupela provins bai kisim K84,000, na K21,000 antap long mak bilong ol.

Gut sup ya



• Wukamb (5-pela krismas), I soim 9-pela bebi pik i gat tripela mun tasol, em i lalk mekim hot sup long ol. Mama pik i painim hat long karim dispela ol bebi, na indai. Olsem na ol man yet i katim bel bilong mama pik, na rausim ol bebi pik ya. Foto: Alphonse Pu.

Astingting bilong tupela long karimaut dispela muv em long ol ripot olsem i gat planti paul pilai i kamap, na gavman bilong Primia Andrew Ariako i no mekim wok bilong em long givim gutpela sevis i go long ol pipel. Tupela i tok i gat planti asua i stap. Tasol ol i tokaut long tripela bikpela asua tasol. Hia em ol dispela asua long lukluk bilong ol.

• Gavman i no stretim hevi bilong lo na oda long Madang taun. Lida bilong ol ples klostu long taun i save komplem oltaim, bikos ol pipel bilong narapela provins i stap nabaut long ol setelmen na kamapim moa raskol pasin.

• Gavman i no givim inap wok na helpim ol pipel long ples long wokim ol liklik bisnis, na stretim sindaun bilong ol long ples. • Na ol i no amamas long provinsal baset bilong dispela yia. Bikos provinsal asembli i oraitim long tupela de tasol. Na i no paitim toktok long en inap tupela wik samting, na bihain oraitim. Dispela i soim ol gavman i nogat tingting long stretim sindaun bilong ol pipel, na i tingting long ol yet tasol.



WANTOK

NIUSPEPA BILONG OL PAPA NIUGINI STRET

Hure long fri skul subsidi

Planti papamama i wok long tingting planti tru long dispela wik. Long wanem, tupela wik tasol i stap na ol skul bai stat gen.

Ol i tingting planti bikos no gat wanpela tok klia i kamap long dispela toktok bilong fri edukesen na skul fi subsidi. Tasol inap long asde, Edukesen Dipatmen long Waigani i tokaut olsem oi i kisim pinis K20.5 milien bilong brukim na tilim long wan wan provins.

Gutpela. Dispela i soim nau olsem sampela toktok bilong Wingti na Chan gavman i wok long karim kaikai. Fri edukesen o hap fri edukesen i karim kaikai na planti papamama na ol pikinini bai amamas.

Narapela wok go het aninit long nupela Wingti gavman i bin kamap long dispela wik em long toktok bilong Viles Sevis Skim, provinsal gavman na ol kaunsil.

Palamen komiti bilong sekap na wokim ripot long dispela i stat mekim wok bilong en long Mande. Tripela man husat bai helpim komiti i gat bikpela save long wok bilong ol. Wanpela i saveman bilong lo, narapela long wok politik na las man long pasin na sindaun bilong man.

Na dispela nau i narapela samting gen i wok long kamap em planti toktok i bin kamap bipo long en. Olsem na yumi wet tasol inap long mun Februeri bilong lukim wanem kain ripot dispela komiti bai kamapim long wok bilong provinsal gavman.

Francis Uliau skelim ol ripot long wok bilong provinsal gavman

Ol bikpela ripot go pas

WOK bilong Palamen Komiti long provinsal gavman i bin stat long Mande, 11 Janueri.

Namel long ol ripot na tingting ol i kisim pinis, i gat 4-pela bikpela i stap. Ol dispela ripot em tupela bilong Manus primia, Steven Pokawin long 1990 na 1991 na i karamapim ripot bilong olgeta primia long kantri, ripot bilong Henu Helsingut long wok bilong ol provinsal gavman, ripot bilong ol minista bilong Provinsal Afeas na ripot bilong Sir Michael Somare em i karamapim tu sait bilong oposisen.



• Steven Pokawin

POKAWIN RIPOT:

Long mun Julai 1991, Nesenel Primia Kaunsil sab komiti long skelim wok bilong provinsal gavman i bin holim kibung bilong en long Rabaul. Ol lain husat i stap insait long komiti na stap long kibung em siaman bilong komiti na Primia bilong Manus, Steven Pokawin husat i makim tu Niugini Ailan rijn, Primia bilong Galp Sepoe Karava husat i makim tu Papua rijn, Primia bilong Simbu David Mai husat i makim Hailans rijn na Primia bilong Madang, Andrew Ariako husat i makim tu Momase rijn.

Long dispela kibung, komiti i painimaut olsem as tingting bilong ol provinsal gavman em long sevim planti mani, lukautim gutnem bilong provinsal gavman, kamapim gutpela wokbung namel long

tripela han bilong gavman na kirapim wok insait long ol lokol gavman bodi.

Komiti i lukim olsem long mekim ol dispela samting i karim kaikai, i mas gat 13 bikpela samting i kamap:

- namba bilong ol memba insait long provinsal asembli mas go inap long 25 tasol;
- ol lokol gavman i mas makim ol mausman bilong ol tu i go long provinsal asembli wantaim ol memba husat i resis long ileksen;
- ol ileksen bilong nesenel, provinsal na lokol gavman i mas kamap wantaim;



• Andrew Ariako

- ol provinsal eksekutiv i mas kam long ol memba husat ol pipel i makim wantaim primia na namba tu bilong em;
- ol pipel yet i mas makim primia bilong ol;
- ol nesenel memba i mas stap yet olsem ol memba bilong ol provinsal asembli na eksekutiv;
- Komisen bilong lukautim pe wantaim alauwens bilong ol nesenel na provinsal memba i mas sekap gen long ol dispela samting na katim olgeta inap long 25 pesen;
- Prais Minista bai makim provinsal seketeri bihainim ol nem Provinsal Eksekutiv Kaunsil i givim long en na tok save bilong dispela i kamap long pepa;
- nesenel gavman i mas givim tru namel long 10-20 pesen mani bilong helpim ol lokol gavman kaunsil long

wok bilong ol;

• pawa bilong ol lokol gavman i mas stap wantaim provinsal gavman;

• wok bilong ol Distrik Dvelopmen Atoriti i ken go het, tasol wok sekap long ol i mas kamap long olgeta tripela yia; na

• Nesenel Palamen i mas makim wanpela komiti wantaim ol memba bilong "Helsingut Ripot" na "Pokawin Ripot" aninit long lukaut bilong minista bilong Provinsal Afeas long skelim gen ol samting na givim long palamen long mun Novemba.



• Sepoe Karava

Long dispela taim, komiti i bin tokaut tu long tripela bikpela samting egensim ripot bilong Helsingut long wok bilong ol provinsal gavman. Long wanem planti samting insait long ol dispela tripela samting i no sut long ol tingting bilong Helsingut Ripot.

Dispela ol tripela samting em:

1. long daunim kos bilong lukautim na ranim lejislativ na eksekutiv han bilong gavman long provins;
2. long kamapim gutpela wokbung namel long nesenel na provinsal gavman; na
3. long givim moa gutpela sevis long ol komyuniti na lokol gavman.

HESINGUT RIPOT:

Long mun Mas pastaim

long ol 4-pela primia i bung, wanpela komiti i bin kamap long skelim wok bilong ol provinsal gavman. Dispela komiti i bin stap aninit long lukaut bilong olpela memba bilong Finsafen long Nesenel Palamen, Henu Helsingut. Ol narapela 9-pela memba bilong palamen i bin helpim em wantaim tupela narapela man, Pokwari Kale na Paul Markis.

Long taim komiti bilong Helsingut i mekim ol wok painimaut bilong en, ol memba i go long planti provins na toktok wantaim bilong ol komyuniti na viles lida, ol pipel na ol planti arapela lida bilong ol liklik grup long komyuniti.

Long dispela taim pastaim long ol i wokim ripot, ol i skelim tu wok bilong provinsal gavman long brukim na tilim pawa, sapos provinsal gavman i gutpela na helpim ol pipel o nogat, wanem senis inap kamap long provinsal gavman, wanem samting komiti i painim na tingting bilong en na kos bilong lukautim ol politisen long provins.

Bihain long komiti i skelim as bilong kirapim ol provinsal gavman na wanem kain sevis na helpim ol pipel i kisim, em i tokaut olsem kain rot ol provinsal gavman i wok nau long en i no gutpela. Ol i gat planti pawa na i no bihainim stret as ol i bin statim pastaim long en.

Olsem na komiti i kamap wantaim 4-pela bikpela samting bilong mekim. Ol dispela samting em long:

- **Provinsal Gavman,** - senis i mas kamap long lo bilong senisim ol provinsal gavman. Ol presiden na sia- i go moa long pes 7

Provinsal Afeas na Oposisen ripot neks wik

WANTOK

NIUSPEPA BILONG OL PAPA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



Palamen komiti stat wok pinis

WOK bilong traim kamap wantaim narapela rot bilong lukluk long ol provinsal gavman long Papua Niugini i bin stat long Mande, 11 Janueri, 1993.


Na man husat i go pas long dispela Palamen Komiti long wok bilong ol provinsal gavman em memba bilong Nu Ailan, Ben Micah. Em bai wok wantaim narapela tripela man, Utula Samana, Tony Deklin na Dokta Wari lamo.

Olgeta tripela man husat bai wok wantaim Mista Micah i gat bikpela save long wok politik (Samana), lo bilong kantri (Deklin) na kain laip na tingting bilong ol pipel (Dokta lamo).

Stat long Mande i kam, komiti i bin lukluk na glasim tu planti ripot na tingting nau i stap wantaim em. Olgeta dispela ripot na tingting i sut long wok bilong provinsal gavman na wanem samting inap kamap long stretim dispela.

Bihain liklik, komiti bai go long tupela provins long wan wan rijn long toktok wantaim ol pipel na kisim tingting bilong ol long wok bilong provinsal gavman.

Mista Micah i tok, "Mipela inap go long olgeta provins tasol i no gat



• Micah...go pas long komiti.

inap taim. Olsem na mipela bai go long tupela provins tasol long wan wan rijn.

"Tasol ol hap em mipela bai go long en i stap long ol namel ples. Olsem na ol lain bilong ol arapela provins i ken kam na lukim mipela long ol dispela hap," em i tok.

Mista Micah i tok tu olsem ol pipel husat i laik autim sampela bel hevi, wari o tingting long wok bilong provinsal gavman i ken salim ol dispela samting long pas i kam long Nesenel Palamen long Waigani.



KANAGE i save wok long Woks Dipatmen long Madang. Wapela taim bos i salim em i go wok long wapela opis bilong ol long Wewak. Em i wok long Wewak i stap na wapela taim bos i lukim olsem i gat sampela pepa wok bilong mekim long Madang. Na em i askim Kanage long go. Kanage i harim olsem na amamas nogut tru. "Taim mi go long Madang, ol switpela lewa bilong mi long Wali Kantri (Amele) na ol NCR bai pairap stret." Bos bilong Kanage askim sapos em i laik go long sip o balus, na Kanage tok em laikim sip. Orait em i ron long sip i go kamap long maus wara bilong Sepik na bikpela tait i kamap na sip i kalap kalap na klostu i kapsait. Kanage klostu tu i laik pispis, tasol em i strong liklik na kolim nem bilong tumbuna bilong em na tok, "Sukundi-mi, yu save long mi tumbuna man bilong yu Kanage. Sapos yu bikhet na mekim dispela sip i kapsait na mi dai, yu save long bikhet bilong mi. Mi go long Madang bai mi bagarapim sindaun bilong olgeta manmeri long hap."

Alois Nambon,
Madang, M.P.

KANAGE go lukim wapela bikman Karkar na tupela kaikai buai na stori i stap long Kris-mas. Kanage kirap na tokim bikman ya, "Ho...Ba, yu save, nau ol waitman wokim nupela toilet pinis i gat tripela kain baten...blak, grin na ret. Blakpela em bai wara i kam rausim pekpek, grin em bai samting olsem sip tang i kam klinim as bilong yu na retpela em ol wai bras bai kamap antap na rausim olgeta pekpek, pipia, skin na rop wantaim..." Bikman Karkar harim olsem na kirap tok, "He...plis, dispela kain bai blut kam ausait long as bilong mi na ol man na meri bai ting olsem mi sikmun." Kanage bekim, "Em nau bikman, yu tok stret ya." Kwiktaim bikman Karkar sutim han buai long Kanage na tokim em long go ring long telipon na tok, "Tokim ol waitman long no ken kam long Madang. Ol mas stap long Lae na Mosbi tasol. Madang bai mipela yusim baket tasol."

Ben Taumai,
Madang, M.P.

Kanage bihainim lain bilong em na ol i go long wapela prea miting. Man husat i go pas long prea miting i tok, "Mi givim bel long yupela olgeta." Kanage i harim tasol na sanap i stap. Em i no mekim wapela toktok.

Taim prea miting i pinis, wapela liklik kros i kamap na wapela meri i tok. "Mi no wanbel long dispela hap toktok we brata ya i mekim. Long wanem em i no givim bel long yumi olgeta."

Kanage sindaun harim i go na i no stret. Tingting bilong em i paul olgeta na em kirap na tok, "Yu ting em meri bilong yu na yu givim bel long em." "Na tu yu ting mi meri bilong yu, na yu laik givim bel long mi," meri ya hatim Kanage nogut tru.

Kanage kisim rong mining na salim stret long maus bilong sak.

Luzipher
WEWAK

LONG wapela nait, Kanage i go sindaun gut tru namel long planti manmeri long Kimbe na lukim muvi bilong *King of Kings*. Muvi i go namel na kamap long hap em ol soldia bilong Rom i paitim bagarapim stret Bikman bilong yumi na solapim tu pes bilong em. Bol bel hat, kaikaim tit stret, sanap na bikmaus, "Atus, yupela ol Romen soldia i mekim long Bikman, sapos yupela mekim long ol Kombe, bai yupela pala stret!!"

Sape Metta,
Goroka, E.H.P.

Moa tok pilai long pes 18

Ol pablik sevan bilong Is Sepik bai kisim dabol pe

GODFRIED NIAKA i raitim

LONG las wik moa long 1 000 pablik sevan long Is Sepik provins husat i save potnait aninit long pe rol bilong provinsal gavman i no kisim pe.

Is Sepik Provinsal Seketeri, Vincent Maragau, i tok dispela em long wanem ol i no bin putim mani bilong provinsal baset i go insait long ol wanwan eria bihain long ol i bin oraitim long Desemba, 1992.

Mista Maragau i tok dispela hevi i no go long ol provinsal pablik sevan husat i save kisim potnait mani bilong ol aninit long pe rol bilong nesnel gavman.

Em i tok hevi i stap long opis bilong Fainens na Plening. Long wanem ol opisa long opis bilong Fainens i no bin stretim olgeta pepa wok long putim mani bilong 1993 provinsal baset i go long wanwan eria we ol i makim long en. Na tu ol i no bin stretim ol samting long beng long stretim

akaun bilong dispela yia.

Mista Maragau i tok em i toktok pinis wantaim ol wokman long opis bilong Fainens long dispela. Na i askim Fainens long baim ol dispela pablik sevan sampela taim long dispela wik.

Em i tok sapos nogat orait ol dispela pablik bai kisim dabol pe long narapela potnait.

Mista Maragau i no amamas long dispela. Long wanem ol opisa long opis bilong Fainens i no wokim hariap wok-bilong ol.

Taim *Wantok Niuspepa* i askim opis bilong Fainens na Plening, wapela opisa i tok dispela em i tru olsem moa long 1000 pablik sevan husat i save potnait aninit long pe rol bilong provinsal gavman i no potnait long las wik.

Tasol opisa ya i tok olgeta pepa wok i redi pinis. Na ol dispela pablik sevan bai kisim pe bilong ol long dispela wik yet. Em i bihainim toktok bilong provinsal seketeri na tok sapos ol i no kisim long dispela wik orait, ol bai kisim dabol pe long narapela wik.

Ol Kadoka bagarap long haiwara kisim K8,000 helpim

OL pipel bilong ples Kadoka, Wes Nu Briten provins we hai wara i bagarapim sindaun bilong ol i kisim helpim pinis.

Ol kaikai wantaim sel haus na marasin i kamap long ol pipel long Trinde Januari 6, 1993. Bot bilong gavman, *MV Arowe* i kisim dispela saplai we i kos moa long K8,000 i go long ol pipel.

Seketeri bilong Dipatmen bilong Wes Nu Briten, Aloysius Kantomu i tok tupela wokman bilong gavman wantaim wapela medikel opisa i stap nau long eria. Ol i wok long tilim saplai long ol pipel.



Mista Kantomu i tok dipatmen bilong em i giasim pinis dispela birua. Na nau i redi wapela ripot bilong givim long nesenel gavman. Dispela ripot i askim gavman long givim moa helpim.

Ol pipel bilong ples Kadoka muv i go pinis long eria longwe long wara Kaini we hai wara i no inap bagarapim ol.

Ol wokman bilong gavman husat i sekim dispela birua bai salim ripot long gavman. Na gavman bai askim ol pipel long muv i go long gutpela nupela eria, we ol i no inap bungim wankain birua long bihain.

Planti pipel long ol ples arere long wara i save mekim gaden bilong ol arere long wara. I gat luksave nau olsem ol bai i nogat kaikai long sampela mun.

Ol pipel bilong Kadoka i tenkim gavman long helpim ol hariap. Mausman bilong ol na provinsal asembli memba, Francis Auram i tok dipatmen wantaim gavman bilong Wes Nu Briten i mas kisim tok tenkyu long dispela namba wan helpim.



• **Tupela poto long antap i solim sampela haus em hala wara i rausim long ples Kadoka. Poto na stori: Steven Kadiko.**

Em i tok dispela em i helpim bilong gavman i ol long hai wara. namba wan taim bilong gutpela tru long ol Moa long 18 famili i kain birua long kamap pipel, husat i lusim lusim olgeta haus long eria. Na kwik haus na samting bilong bilong ol.

Tripela meri resis egens 21 man long WNB ileksen

STEVEN KADIKO i raitim

Long mun Februeri bai palamen i bung na vot long muv bilong Wingti gavman long rausim provinsal gavman. Tasol ol pipel bilong Wes Nu Briten i votim nau provinsal lida bilong ol.

Planti pipel i kamap na vot long moa long 90 kendidet husat i resis long winim 24 sia bilong provinsal asembli.

Namel long ol dispela kendidet i gat tripela meri. Nem bilong ol em Petronila Pake (Wes Bakovi), Angie Willie (Garua Bileki), na Philomena Nohu (Kandrian Kostel).

Gavman bai stretim ol Isten Hailans rot

SAPE METTA i raitim

OL pipel bilong Lufa, Okapa na Kainantu long Isten Hailans provins save olsem gavman bai stretim na putim kolta long ol rot bilong ol long dispela 5-pela yia. Rijonal memba bilong

Isten Hailans Aita Ivarato i tokaut long dispela. Em i tokim ol pipel olsem dispela ol rot i save sevim planti pipel bilong Isten Hailans. Olsem na gavman i mekim gutpela pasin na orait long

stretim dispela ol rot. Em i tok gavman i bin laik givim em wapela ministri potfolio. Tasol em i les bikos em i laikim gavman long stretim ol dispela rot na putim kolta long ol .

Olsem na gavman i yesa long askim bilong em na promis long lukautim ol rot ya.

Waka askim Kantomu long ansa

ASKIM i go nau long Dipatmen bilong Wes Nu Briten long tokaut long wanem kain we em i makim ol opisa, aninit long nupela straksa bilong dipatmen.

Dispela askim i kam long Provinsal Memba bilong Wes Nu Briten long haus palamen, Lucas Waka.

Mista Waka i askim nau Edministretiv Seketeri Alois Kantomu long tokaut klia long ol pipel bilong provins. Dispela em long hamas asples pipel i wok long dipatmen, na tu namba bilong ol pipel bilong narapela provins.

Mista Waka i laik save tu long hamas asples pipel i wok olsem Fes Asisten Seketeri na Asisten Seketeri.

Mista Waka i tok em i gat evidens olsem planti lokol opisa bilong dispela provins i swap nabaut nau aninit long nupela straksa. Ol pipel bilong ausait provins i senisim ol dispela opisa.

Provinsal Memba skruim tok olsem dipatmen i mas go pas long painim wok bilong ol asples pipel. Tasol em i no gutpela long dipatmen i kamapim hevi bilong i nogat wok long ol asples pipel. "Wanem samting dipatmen i mekim em long mekim ol asples pipel bilong provins long sindaun long sait lain na lukluk tasol."

Tokorait namba 14/92 bilong provinsal asembli i laikim dipatmen long kisim ol pipel bilong dispela provins, na i no ol pipel bilong ausait.

Sia bilong Kandrian Kostel em primia Robert Lawrence i holim nau.

Ileksen i bin stat long Sarere Januari 9. Provinsal Ritening Opisa, Peni Maroro i tok long las Sarere i kam inap nau, wok bilong ileksen i go het gut. Nogat trabel i kamap long bagarapim.

Na tu ol plisman i mekim gutpela wok bilong lukautim lo na oda long dispela taim.

Nupela provinsal plis komanda, Sief Inspekta Titus Pamben i tok lukaut long ol kendidet na sapota bilong ol. Dispela em long noken mekim trabel long kempen bilong ol.

Mista Pamben i tok ol plisman bilong em bai holim pasim na sasim wanem man o sapota i mekim bikhet pasin long ol ples bilong kisim vot.

Na stat long 1994 i go, ol bai stretim ol dispela rot. Na gavman yet bai painim mani long ovasis long putim

kolta long ol rot ya. Em i bin tokaut long ol dispela taim tu olsem wok bilong kamapim wapela Plis Repid Diploimen Yunit long Goroka bai go het.

TU MINIT TINGTING

SAMPELA KRANGI AIDIA BILONG BIHAINIM JISAS

Toktok bilong tude i bihainim Mak 10:17-22, we Jisas i askim wanpela yangpela man long salim olgeta samting bilong em na kam bihainim em.

Wanpela de wanpela studen i wari long dispela tok bilong Jisas na i askim tisa long kliam mining bilong en. Nau tisa i wokim dispela stori: "Wanpela de wanpela yangpela i ritim Baibel na i lukim tu dispela tok bilong Jisas: 'Yu go, salim olgeta samting bilong yu, tilim long ol rabismanmeri, na yu kam bihainim mi.'

"Yangpela ya i kalap nogut. Long wanem, dispela tok i sutim lewa bilong em stret. Olsem yangpela man long Baibel stori, em tu i laik kamap long heven, na em tu i gat planti samting. Orait, em i go salim naispela ka bilong em, na i givim mani long ol trangu. Nau em i putim yau gen na Jisas i tok: 'Yu mas salim OLGETA SAMTING.'

"Orait, nau em i go salim haus na givimaut mani bilong en. Nau em i putim yau gen na Jisas i tok gen: 'Yu mas salim OLGETA SAMTING.'

"Orait, man ya i gat wanpela samting bilong em i stap yet, em

Baibel bilong em. Orait, em i go salim Baibel na tilim mani gen. Nau em i sanap na wetim tok bilong Jisas. Tasol i no gat wanpela tok i kamap; Jisas i sarap."

Nau studen i askim tisa, "Mi no klia long dispela stori. Bilong wanem na man ya i no bin harim sampela tok moa i kam long Jisas?"

Na tisa i bekim tok, "Bikos dispela man i bin salim dispela wanpela samting i bin bringim tok bilong God long em: em Baibel bilong em yet. Jisas i no askim yumi long salim ol samting i save bringim yumi i kam klostu long em. Nogat. Jisas i askim yumi long salim tasol ol samting i pulim yumi i go longwe long em."

Bihainim Jisas em i min: makim Jisas, laikim ol samting Jisas i laikim, na tromoi ol samting Jisas i no laikim. Em i min

tromoim na lusim ol sin na pasin nogut. Em i min yumi mas rausim ol pasin spak na pasin bekim, na pasin doti, na pasin bilong yusim spak brus. Tasol i no gat planti gutpela samting yumi mas rausim. Nogat. Manmeri i laik bihainim Jisas tru, em i mas rausim tasol ol gutpela samting i pasim em olsem wanpela umben.

Jisas i no bin tok long Baibel: "Manmeri i laik bihainim mi, em i mas tambu long marit, o em i mas tambu long mani, o em i mas tambu long draivim ka, o em i mas tambu long kisim biknem o biknamba." Jisas i laik tok olsem: "Ol dispela samting i orait sapos ol i no bosim laip bilong yu. Yu mas fri."

Long taim em i stap long graun, Jisas i no olsem sampela Kristen i bin tanim bel na painim God. Ol i save bikmausim "alleluya" nabaut, ol i save sin-

gaut "Press yu, Jisas" bihain long olgeta sentens; ol i laik bosim sindaun bilong ol arapela pipel; ol i no rispektim laik na tingting bilong ol arapela pipel. Manmeri i bihainim Jisas i no save mekim ol dispela kain pasin. Jisas i no askim dispela. Nogat.

Jisas em i man bilong hepi, em i man bilong belgut. Em i save amamas long ol naispela samting bilong God. Em i amamas long naispela sankamap; em i amamas long ol kaikai i kamap long gaden; em i amamas long ol dok, pusi, sipsip na donki. Em i amamas long mekim gutpela wok kamda. Em i amamas long famili bilong em. Sampela taim em i ranawe long wok, na kisim win namel long ol maunten, o namel long raunwara.

Jisas i no man bilong pes drai. Em i laikim gutpela kaikai long haus bilong Marta na Maria. Em



FRANK MIHALIC i raitim

i laikim wain bilong Kena. Em i gat interes long wok bilong ol aposel; em i gat interes long ol trangu, na ol sikmanmeri. Jisas inap krai na em inap singsing. Em i save karim pen na em i save helpim ol manmeri i no gat samting. Em i save sambai na helpim tok bilong manmeri, ol birua i daunim.

I no gat wanpela dispela kain pasin, yumi no inap long mekim. Olsem na long planti kain we, yumi inap bihainim lek na pasin bilong Jisas. I no gat planti samting yumi mas givap long bihainim Jisas. Nogut yumi pret. Yumi mas givap long ol rong samting tasol.

Ating long planti kain we yumi bihainim pasin bilong Jisas pinis. Yumi mas skruim dispela gutpela pasin i go!

6-pela yangpela man promis long bihainim Santu Francis

WINIS MAP i raitim

LONG Sande Janueri 10, 1992, 6-pela yangpela man i bin promis long bihainim wok bilong Santu Francis na telimautim Gutnius bilong God.

Dispela 6-pela man i bin wokim promis bilong ol bihain long ol pinisim tupela yia trening long Franciscan Trening Haus long 16 mail, ausait long Mosbi. Ol i tokaut long givim ol yet long God na promis long stap bihainim ol lo em Santu Francis bilong Assisi i raitim sampela wan handret yia i go pinis.

Ol dispela lain i bin promis long wanpela bung em i bin kamap long Franciscan Trening Haus long Laloki. Ol i bin kisim promis long Oda ov Friars Minor (OFM o Franciscans). Na givim bikpela tingting bilong ol, long wokim wok bilong God.

Bruter John Ritter OFM, i bin givim tok orait long promis bilong ol long makim maus bilong bosman bilong Franciscan long


• (RAITHAN) Bak-sait - Long lephan na i go em Bruter Francis Burburu, John Peru, Killian Eki, Pater Fabian Thom (Dairekta), franlain-Bruter Hugh Guam, Zachary Miroi, na Sebastian Valus-taut.

PNGSI. Em i bin pre antap long ol, na askim ol long sanap strong na bihainim Jisas Krai.

Dispela 6-pela bruter em John Peru OFM bilong Denglagu, Francis Burburu OFM (Utu), Killian Eki OFM (Lumi), Sebastian Valus-taut OFM (Lavongai), Hugh Kuam OFM (Nuku), na Zachary Miroi (Aitape).

Ol bai wokim yet trening bilong ol long narapela 4-pela moa yia.

Tripela bai go long Sen Didacus Friary long Aitape long wokim riliges na franciscan stadi. Narapela tripela bai mekim stadi bilong ol long Holi Spirit Seminari long Bomana, long kisim trening bilong kamap pater.



• Bruter John Ritter OFM (lephan), na Pater Leonard Toral (namel) i holim han bilong Bruter John Peru OFM bilong Denglagu, husat i promis long bihainim wok bilong Santu Francis bilong Assisi. Poto: Pater Fabian Thom.



• Pop John Paul II i lotu long Vatikan Siti long Rom, na salim blesim bilong em i go long ol pipel long wol husat i kamapim ol trabel nabaut, na bagarapim sindaun bilong ol manmeri. Dispela em long bikpela lotu bilong Krismas, we planti manmeri tru i bin kamap. Insait long lotu ya, Pop tingim ol bagarap long Sarajevo long Yurop, na Somalia long Afrika, na tu ol arapela hap bilong wol.

Kibung bilong strongim marit kamap long Mosbi

ENSIN bilong ka mas senisim ol wel long ran gut, wankain tu long ol marit. Ol marit mas bungim ol nupela aidia we i mas bihainim ol dispela senis, bai em i ken stap gut.

Planti senis i kamap nau long wanwan komyuniti bilong mipela. Na long kamapim gutpela famili long dispela ol komyuniti, 15 marit i stap insait nau long wanpela semima o kibung.

Semina ya i kamap long Sen Peter Chanel Katolik Peris, Mosbi. Na Famili Laip tim bilong peris i ranim dispela semina.

Tim i gat ol marit husat i redi long tilim aidia na hevi bilong ol wantaim ol arapela marit. Ol lain ya i laikim olsem planti marit i mas stap insait long dispela semina.

Pater bilong peris, John Ryan i welkamim ol marit long semina, na i tok, marit i save kamap namel long tupela pipel, tasol wanpela tasol i ken bagarapim.

Dispela wanpela wik semina i bin stat long Mande Janueri 11, na bai pinis long Sande Janueri 17.

Semina i gat 30 manmeri olgeta. Ol i toktok long kaingkain samting olsem long man na meri, pasin bilong lav na sindaun toktok wantaim, tumbuna pasin we i no karamapim planti marit bilong tude, na gutpela Kristen marit.

Dispela progrem em i hap bilong Family Life Apostolate, we i bihainim kibung bilong ol Katolik Bisop long PNG/SI. Apostolate i gat nesenel opis i stap long Goroka, na Sista Mary Anthida i ranim.

Apostolate i laik bringim wok o tingting bilong em i go long ol pipel. Olsem na em i kamapim ol asdaiosis tim bilong mekim ol dispela wok long wanwan daiosis insait long kantri.

Ol dispela asdaiosis tim bilong wanwan daiosis i bihainim wok em sios i tokim ol long mekim. Dispela em long holim ol bung olsem, bilong skulim ol marit. na yangpela tu.



Wau Bulolo laikim mejistret

ARI GUH DANDEE i raitim

OL plisman bilong Wau na Bulolo long Morobe provins i no laik holim moa man. Bikos ol haus kalabus i pulap pinis.

Dispela i kamap long wanem Wau na Bulolo i no gat mejistret. Olsem na ol man i slip nating long haus kalabus wetim mejistret bilong go harim kot bilong ol. Ples tu i pulap olgeta na ol plisman i les pinis long lukautim ol kalabus.

Bipo i gat wanpela man i save wok long dispela tupela taun. Tasol long mun Novemba las yia, em i go malona no gat man i go long kisim ples

bilong em.

Ripot i kam long Bulolo plis stesin i tok olsem ol plisman i bin holim planti man tru long las yia i kam inap nau. Long ol man ol i holim, 25 i stap nau long haus kalabus long plis stesin, 54 em ol i holim gen na 25 i stap wetim kot bilong ol.

Ripot i tok ol plisman i no laik holim moa man bikos i no gat spes. Inap wanpela mejistret i kamap na harim kot na daunim namba bilong ol man, ol bai lusim tasol ol samting i stap olsem.

Long dispela as, ol plisman bilong Wau na Bulolo i laikim Jastis Dipatmen long sekap hariap long dispela na salim wanpela mejistret i go long hap.

Kainantu gat komiti bilong lukautim taun

SAPE METTA i raitim

WANPELA komiti i kamap pinis long Kainantu bilong lukautim ol sevis insait long taun.

Isten Hailans provinsal gavman i bin orait na givim K72,000 long Kainantu Taun Atoriti (KTA) long statim wok bilong ol. Dispela i kamap bihain long planti hevi long taun na i no bin gat man bilong

stretim.

Olsem na aninit long 1993 baset bilong en, Isten Hailans gavman i bin givim K72,000 long ol. Atoriti bai yusim K50,000 long stretim ol samting insait long taun.

Na K2,000 bai go long sanapim ol lait arere long ol rot insait long taun. K25,000 bai

i go long opis wok bilong atoriti.

Provinsal Lokol Gavman minista, Flemming Asorifa i bin tokaut long dispela. Tasol em i no givim yet nem bilong ol bod memba bilong taun atoriti ya long kabinet long tok orait long en. KTA bai yusim opis bilong Kainantu Kaunsil Semba na mekim wok bilong ol inap taim ol i painim wanpela opis bilong ol yet.

Wok bilong sekim provinsal gavman stat

i kam long pes 4

man bilong ol lokol gavman kaunsil o komyuniti gavman bai stap wok inap long taim ol i lusim dispela ol namba; - sapos dispela senis i kamap, ol lain husat i wok long opis bilong ol memba bai stap yet inap taim bilong

ol i pinis;

- olgeta memba bilong provinsal gavman bai makim wanpela bilong ol long kamap olsem bos na narapela olsem namba tu bilong em long provinsal gavman. Na ol bai holim dispela wok inap taim bilong ol long kaun-

sil o presiden i pinis;

- olgeta arapela memba bilong provinsal gavman i no inap kisim pe. Ol bai kisim tasol mani bilong go long ol kibung, haus slip na ol arapela alauwens olsem bihainim tok orait bilong Nesenel Palamen na komiti bilong

lukautim pe bilong ol politisen;

- bai i no gat wanpela wok minista o potfolio insait long provins. Dispela olgeta samting bai stap long han bilong siaman bilong provinsal gavman.

16 opisa trening long wok long rurel eria

SAUT Simbu Rurel Dvelopmen Projek (SSRDP) i trenim 16 opisa bilong ol insait long wanpela wok-sop long tupela de. Woksop i bin kamap long Wara Simbu Trening Senta long Desemba 17-18, 1992.

Provinsal Projek Kodineta, Anton Goie na deputi bilong em, Anton Kaile i bin go pas long ogenaisim dispela kos. Astingting bilong dispela wok-sop em long plenim baset bilong ol bilong yia 1993.

SSRDP em i naraba wan hap bilong Simbu Rurel Integrated Dvelopmen Projek aninit long plen bilong Simbu provinsal gavman long dvelopim ol distrik bilong en. Na Intanesenel Fan bilong Egrikalsa Dvelopmen (IFAD) i givim mani bilong dispela projek. Long 1986, IFAD i



• Wanpela wokman bilong SSRDP i sanap klostu long wanpela Vanilla plaua plantesen long Karamui distrik. Ol pipel i save yusim vanilla plaua long mekim alskrim. *Poto na stori: MICHAEL KOMA*

bin givim K4.6 milien long ol dispela kain projek.

Namba tu hap bilong dispela projek bai kamap long

Not Simbu.

Na wok bilong kamapim ol projek long hap bai stat long mun Jun o Julai bilong dispela yia. Astingting bilong SSRDP em long kamapim gutpela sindaun bilong ol pipel long sait bilong wok egrikalsa, helt na edukesen o skul.

Sapos wok long Saut Simbu i kamap gut, IFAD bai givim narapela K13 milien long mekim ol arapela dvelopmen wok. Nau yet, Simbu gavman i wok long yusim dispela K4.6 milien long kamapim ol projek nabaut long provins.

Ol bai yusim ol hap mani long kamapim ol projek insait long ol hap long Not Simbu olsem Juave, Kerowagi, Gembogl, Kundiawa na Sinasina. SSRDP nau i wok long Gumine na Karamui distrik.

Talai na Malambur kapsait long Kranget ailan

MICHAEL KANAKO i raitim

OL pipel bilong Kranget ailan klostu long Madang i haplain bilong painim pis.

Olsem ol narapela nambis manmeri, ol Kranget tu i save yusim ol samting bilong solwara long helpim sindaun bilong ol. Na long hap, dispela ol lain i haplain bilong painim tupela kain pis, *talai* na

malambur. Long tok ples, ol i save kolim olsem *tadiu* na *namaz*.

Dispela ol pis i bin kamap ples klia taim bikpela san i kirap long Krismas i go pinis.

Pastaim ol dispela pis i kirap long Magudilon long Kranget ailan yet na bihain taim ples i pas liklik, ol i surik i go long Labekmal long ples em Madang Resort bris i stap nau long en.

Planti lain tude i save long tupela rot bilong kisim ol dispela pis. Wanpela em long pasim tripela huk long string i stap long pangal bilong saksak, na tromoi long solwara long hap ol pis i pait long en. Ol i save kolim dispela olsem *tarangau*.

Long dispela rot, yu inap pulim tu o tripela pis long wanpela taim.

Tru umben em i nupela samting, planti manmeri long ailan i wok long yusim dispela tu long kisim *talai* na ol arapela pis.

Ol pipel bilong Kranget ailan i save salim *talai* long 10 toea o 20 toea. Na *malambur* long 10 toea i go inap long 40 toea.

GIANT PARTS SALE

SPECIAL ONE KINA PARTS BIN! TAKE YOUR PICK!

HUNDREDS OF SPARE PARTS FOR MITSUBISHI CARS, TRUCKS, UTES & VANS. SPARES FOR HONDA BIKES AND GENERATORS. OUTBOARD MOTOR PARTS. ALL AT THE CHEAPEST PRICES EVER!

FREE SAUSAGE SIZZLE! FREE SOFT DRINK WITH YOUR PURCHASE! Sale items on display - Cnr Milford Haven and Marsina TRADE CUSTOMERS WELCOME

ONE DAY ONLY SATURDAY JANUARY 16TH 9.00AM TO 2.00PM



TOBA MOTORS

LAE 42 2611



• Presiden Lee Teng-hui bilong Taiwan i opim 20 de bung bilong ilektorel koles long Taipei, taim ol manmeri husat i egens dispela samting i apim ol laplap i gat toktok bilong ol antap long en. Ol manmeri i bung long karimaut ileksen bilong Taiwan, em klostu bai i kamap.



• (Raithan)-Ol manmeri bilong kantri Kenya long Afrika i sanap long long-pela lain long vot long Desemba 29, 1992. Long planti hap bilong vot, ol manmeri i wet long-pela taim tru. Olsem na sampela i sindaun na malolo olsem tripela mama ya. Dispela em i namba wan taim bilong ol long vot long ol kendidet bilong planti pati tru, bihain long 26 yia.



• Wapela man Palestinian em Isrel i rausim long saut Lebanon, i raitim wanem ol samting i kamap long laip bilong em long olgeta de insait long liklik buk. Man ya wantaim 415 arapela Palestinian manmeri em Isrel i rausim i sanap ol haus sel, na stap gut. Ol i no wari long kol win, ol i sot tasol long wara.



• Ol soldia bilong Amerika go antap long sekim wapela haus klostu long Embasi bilong Amerika long Mogadishu, Somalia long Desemba 30, 1992. Ol i sekim na lukautim olgeta hap gut tru bipo long kamap bilong Presiden George Bush.



• Wapela man Palestinian long Saut Lebanon apim han bilong em, taim ol Muslim i pre long namba tu wik bilong jili i stat.

OL LIKLIK NIUS

18 Hindu na Muslim indai

INDIA: Wanpela bikpela pait long Bombe namel long ol Hindu na Muslim i kamapim bikpela bagarap. Long dispela pait, 18 man indai pinis, na planti arapela i kisim bikpela bagarap. Moa long 60 man husat i kisim bagarap bikos birua i sutim ol long naip i bin go long haus sik long kisim marasin.

Mekim na plis i kamapim taim tambu long ol manmeri long raun. Plis i putim tambu long 6-pela eria long Sauten Bombe.

Gret Briten na Ajentina pren gen

AJENTINA: Long Buenos Aires, wanpela bikpela kibung i bin kamap long las wik namel long Foren Seketeri bilong Gret Briten, Douglas Hurd na Foren Minista bilong Ajentina, Guido Di Tella.

Tupela i bin toktok long kamapim gutpela wok bung namel long tupela kantri long ol bisnis wok. Gret Briten i laik kamapim wok bisnis long Ajentina. Na i laikim tupela kantri wantaim i lusim tingting long woa bilong tupela long Foklen Ailan.

Ol blak skin lotu long Saut Afrika

SAUT AFRIKA: Long Johanesbeg, planti manmeri i bin pulmapim wanpela haus lotu long Krismas. Dispela em long taim ol i lotu long wanpela biknem meri, husat i bin indai. Planti ol lain husat i go stap insait long dispela lotu i bin singim ol singsing bilong fridom taim ol i go lukim bodi bilong Helen Joseph.

Joseph em wanpela meri husat i save toktok strong long rausim apatait o pasin bilong tilim ol wait na blak skin pipel long Saut Afrika. Helen i gat 87 krismas, na i bin indai long Krismas de.

Olpela Is Jemani lida kot yet

JEMANI: Bikpela kot bilong komisaris lida bilong olpela Is Jemani, Erich Honecker i stap yet.

Las wik jas i bin askim narapela kot long harim kot bilong arapela tripela poroman bilong Honecker. Honecker i sanap long kot long sas bilong kilim planti manmeri, husat i egens komisaris gavman.



• Memba ya i go sekim haus lotu bilong em Long sarajevo long Desemba 23, 1992. Ol paitman bilong Sebia i bagarapim dispela lotu, insait long bikpela pait egens ol Bosnia na Muslim.



**Pacific
Instant
Lottery**

Ol Stua bilong Pacific Instant Lottery

Sans bilong yu long kamapim gutpela sindaun long taim bihain

Long nau yet, sampela papa bilong ol liklik stua i wok long amamas long dispela helpim em Pacific Instant Lottery. Olsem na nau em i sans bilong yu tu long bung wantaim ol olsem wanpela Stua bilong Pacific Instant Lottery. Taim yu mekim olsem, yu bai kamap wanpela bilong ol namba wan lain long hap bilong yu long kisim dispela nupela Tattslotto gem em bai kamap klostu.

Sapos yu wanpela gutpela man na i gat gutpela bisnis, yu ken toktok nau wantaim wanpela wokman bilong Pacific Instant Lottery long telipon namba 25 9666 long dispela samting.

Em Sans Ya!!




• Dispela lapun meri Sarajevo go bek long haus bilong em, bihain long em i go wasim ol samting long wara.



• Ol manmeri bilong Slovak wet ausalt long gavman opis long Pragua long Fonde Desemba 31, 1992. Ol i laik aplai long kamap sittisen bilong Sekoslavakia. Dispela em bipo long Sekoslavakia i bruk na kamap olsem tupela kantri long 12 klok nait long Fonde.

SCRATCH 'N' WIN!



**SPEND *K5.00
AT SHELL TODAY
AND WIN!**

SCRATCH 'N' WIN!

SCRATCH OUT ALL 3
SQUARES BELOW
TO WIN

Win FREE
K10 FUEL

Win
K10

OVER
200,000
PRIZES TO BE
WON!



HILUX HERO



TOYOTA

OVER 200,000 PRIZES TO BE WON!

- Win FREE FUEL
- Win FREE RIMULA X oil
- Win FREE 'COKE'
- Win FREE 'TWISTIES'

PLUS A CHANCE TO WIN A



TOYOTA

HILUX HERO



FILL IN DETAILS ON BACK OF CARD & PUT IN ENTRY BIN TO
HAVE YOUR CHANCE OF WINNING A TOYOTA HILUX HERO.



AVAILABLE NOW AT ALL PARTICIPATING OUTLETS ONLY



PLIS RIPOT



MOSBI: Tupela wik i go pinis, plis long Mosbi i bin kisim wanpela beg wantaim 6-pela liklik plastik rais i gat ol spakbrus o mariwana. Ol i bin salim dispela mariwana long wanpela Air Niugini balus long Goroka i kam long Mosbi. Plis i bin was long dispela beg na lukim husat man tru bai kam kisim. Tasol dispela wok i bagarap taim ol sekyuriti i givim dispela beg long plis. Plis i bilip dispela i kam long wanpela memba bilong ol lain husat i save wokbung wantaim long salim mariwana. Plis i save long rot em ol i save yusim long salim mariwana na i bilip long holim ol man klostu.

RABAU: Wanpela man long Rabaul i bin go kalabus long wanpela yia bihain long kot i painim em i rong long holim mariwana. Nem bilong dispela man em Kori Soti Miavi, 26 kris-mas bilong ples Tevega long Henganofi insait long Isten Hailans provins. Plis i bin holim Miavi long Rabaul haikul setelmen wantaim wanpela skinpas i gat mariwana.

GOROKA: Ol pipel bilong Barola insait long Isten Hailans i tokaut pinis olsem ol bai stap olsem "wasdog" long Hailans Haiwe. Maunten Barola em wanpela ples long Hailans Haiwe we planti stil pasin i save kamap. Planti taim ol pasindia i save kisim bagarap long han bilong ol stilman. Na long las wik Fraide, 15 yangpela man bilong dispela hap i givim ol yet i go long plis. Na ol i promis long helpim plis long stapim ol lain husat i save pretim ol pasindia long haiwe. Planti bikman i bin kamap tu taim ol dispela 15 yangpela man i givim ol yet long plis. Ol lain husat i kamap long dispela taim em plis minista Avusi Tanao, Hailans plis komanda Bunu Katusele, Isten Hailans plis komanda Buckely larume na Isten Hailans primia Robert Atiyafa.

SENTREL: Plis i holim pinis draiva bilong wanpela PMV ka na i wok long askim em bihain long ka em i draivim i kapsait long las wik Sarere. Na kilim tupela man na narapela 4-pela pasindia i kisim bagarap. Dispela ka i bin kisim ol pasindia bilong Kerema na i laik go long Mosbi. Na kapsait long Hiritano haiwe klostu long haus sik bilong ol longlong man long Lalo-ki. Nem bilong ol man i dai em Mirika Gavieae, 24 krismas na Abraham Paoma, 22 krismas bilong Moveave long Galp provins. Komanda bilong plis long Sauten Rijon na namba tu Komisina, Philip Taku i tok dispela ka i bin ron spit tru na driva i lusim stia na kapsaitim ka, Tupela pasindai i flai i go ausait na dai stret na 4-pela i kisim bagarap.

RABAU: Wanpela man bilong Buka ailan i bin dai long Sande moning bihain long ol man i paitim em. Is Nu Briten provinsal plis komanda Sief Inspekta John Toguata i tok plis i no inap autim nem bilong dispela man. Ripot i tok em i bin traim long bagarapim wanpela wokmeri bilong Rabaul Travelodge. Meri bin strong na singaut long helpim na sampela lain i kam long helpim em. Ol i ronim dispela man long rot i go long Malay taun. Sampela moa man i kam na holim dispela man klostu long Bisop Brothers woksop na paitim em. Bihain samplea lain i kam na kisim dispela man i go long Rabaul plis stesin 8 aua bihain long ol i paitim em. Ol plis i kisim em i go long Nonga haus sik tasol em i dai pinis. Plis i painimaut yet long dispela.

LAE: Long las wik Fonde, ol raskol i bin hensapim draiva bilong wanpela PMV bas long Tapiok maket na stilim K80 bilong em. Ol papa bilong bas i bel hat na go long Ten Siti setelmen na kukim wanpela haus. Ol i bilip olsem papa bilong haus i wok long lukautim ol lain husat i bin stilim mani. Planti lain i bin wokbung na holim 5-pela yangpela man em ol i ting i bin wokim dispela pasin na givim long plis. Long dispela taim tu, ol komyuniti lida i bin wokim bikpela wok tru na kisim ol em ol man i bilip i bin stil long Busu Buresong klap.

Ol helt sevis bagarap long Madang

OL haus sik na helt senta long Madang i no gat inap marasin samting bilong lukautim ol pipel. Na planti i bagarap olgeta.

Rijonal memba bilong Madang long nesenel palamen, Peter Barter i mekim dispela toktok bihainim wanpela lukluk raun bilong em long ol haus sik long las mun. Em i mekim olsem bikos ol pipel i komplem olsem ol i no save kisim gutpela helpim long ol haus sik na helt senta.

Namel long ol ripot Mista

Barter i kisim, ol meri i wok long dai taim ol i laik karim pikinini bikos i no gat gutpela helpim. Ol ripot i tok olsem wanpela nes i save lukautim 50 sikman na ol mama i gat bel. Em i tok dokta bilong ol mama i bin lusim haus sik bipo yet na no gat nupela man i go long kisim ples bilong em.

Na em i tok long sampela taim, ol i save kisim ol dokta bilong ol dispela kain wok long narapela senta. Na dispela tu i kamapim nau hevi bilong mani.

Em i tok hevi bilong marasin tu i wok long kamap bikpela.

Narapela hevi tu i stap long autpesen. Planti taim ol sikman i save wet inap longpela taim tru bikos i no gat inap wokman. Nau Madang haus sik i gat 180 wokman. Na maski em bai kisim narapela 27, dispela namba tu bai i no inap long kain namba bilong ol sikman, meri na pikinini husat i save kamap long haus sik long olgeta wik.

Yagaum helt senta tu i bagarap olgeta na klostu bai


pas sapos no gat helpim i kamap. Bipo long 1975, ol lain bilong Luteran Medikal Sevises i save lukautim dispela helt senta. Tasol nau ol wok i go long han bilong gavman na i bagarap olgeta. Em i tok wankain samting i kamap tu long Gaubin na ol arapela helt senta bilong Katolik Sios. Bipo ol sios yet i mekim olgeta wok na i gutpela tru, tasol nau sampela wok i pundaun long han bilong nesenel na provinsal gavman na bagarapim tru ol samting.

HEY!

Don't throw it away!

YOUR USED PHONECARD COULD

WIN YOU K500!



A winning used phonecard will be drawn on the 25 January '93.

Monthly prizes of:-

- 1st — K250 Cash
- 2nd — K150 Cash
- 3rd — 7th — A K10.00 phonecard

The winners will be published in the press on Friday of the same week.

PLUS a Special Draw on January 25th '93, for the 50 and 100 unit phonecard entries only.

Special prizes of:-

- 1st — K350 Cash
- 2nd — K150 Cash
- 3rd — 7th — A K10.00 phonecard

The winners of Special Draw will be published on January 29th '93.

HOW TO ENTER

- ★ Enclose your phonecard in an envelope and seal it.
- ★ Write your full name, address and phone number (if any) at the back of the envelope.
- ★ Mail the envelope to:-
Used Phonecard Competition
P.O. Box 6079
BOROKO. NCD.



Post & Telecom
Keeping you in touch

Sapotim moa ol Kumul pilaia Lo helping bikman tasol

Dia Edita,
Mi laik autim tingting bilong mi long sampela paul pasin i wok long kamap long kantri bilong mipela. Dispela toktok sut i go long ol ragbi lig sapota.

Yupela save sapotim tumas ol ovasis pilaia bilong Australia na Gret Briten. Olsem taim nesanel tim bilong Australia, Kangaroo i kamap long Mosbi, planti tausens manmeri na pikinini i pulap kapsait long Jacksons ples balus.

Tasol taim Kumul i lusim Mosbi long go pilai long ovasis, nogat planti manmeri save bung olsem long ples balus, na lukim ol. Na tu long taim ol i kam bek.

Mipela i no sapotim ol pilaia bilong mipela inap. Na taim ol i lus, bai mipela tok baksait long ol.

Kain pasin i daunim tasol bilip long ol Kumul pilaia. Pasin bilong bilip long mipela yet em bikpela samting.

Dia Edita,
Mi laik sapotim pas bilong brata Bapson Pinja. Pas bilong em i bin kamap long Septemba 10, 1992.

Pinja i bin komplem long ol memba bilong nesanel palamen. Em i tok ol i save stilim bikpela mani, na plis i no save sasim ol.

Dispela em i trupela toktok. Planti lida i save stil na ol i no save go kalabus. Sampela lida i save stilim ol kain mani olsem K100,000 na i go antap.

Dispela i winim tru mani sampela grasrut i save stilim.

Taim ol man nating i stilim kain mani olsem K20 o K50 tasol, kwik taim tru plis bai painim ol na sasim.

Tasol taim wanpela bikman i stilim bikpela mani, plis i no inap sasim em hariap. Ol bai giaman long askim Ombudsmen Komisin long painimaut.

Taim Ombudsmen i painim olsem ol i rong, ol bikman bai baim ol loya long sapotim ol. Na planti bilong ol i save winim kot.

Mi lukim olsem dispela i no gutpela long ai bilong mi.

Trangu ol man nating husat i save stilim liklik mani i save kalabus long 6-pela mun nating. Dispela ol lain i nogat mani long baim loya long helpim ol.

**Mike Amleh
FINSAFEN**



**Nem: Paul Niko Taninad
Krismas: 22 (Man)
Adres: Bui-lebe CIS, P.O. Box 36, Mendi, SHP.**

**Save Laikim: Pilai ragbi na swim.
Nem: Josephine Sey
Krismas: 23 (Meri)
Adres: C/ Godwin Yaw, P.O. Box 521, Mamprobi Accra, GHANA.
Save Laikim: Autim tok bilong God, harim musik, bungim ol pren, senisim ol presen na swim.**

**Nem: Adu Michael
Krismas: 16 (Man)
Adres: Methodist JSS, P.O. Box 94, Nsawan, GHANA.**

**Nem: Victoria Blankson
Krismas: 24 (Meri)
Adres: P.O. Box 415, Oguoa City, GHANA.
Save Laikim: Kukim kaikai, pilai spot, raun na senisim ol presen.**

**Nem: Romans Kem
Krismas: 19 (Man)
Adres: Mosa MMC, P.O. Box Kimbe, WNB. Save Laikim: Pilai basket bal, volibal, raitim leta na harim musik.**

**Nem: Elizabeth Naana Dansu
Krismas: 33 (Meri)
Adres: P.P.M.E.D, P.O. Box 547, GHANA.
Save Laikim: Pilai, singsing, na harim ol lotu singsing.**

**Nem: Joyce Nancy Addea
Krismas: 22 (Meri)
Adres: P.O. Box 1231, National Street Oguoa Town, Oguoa State, GHANA.
Save Laikim: Wok long haus, harim musik, kukim kalkai na mekim pren.**

Bekim pas bilong ol lain long Ghana long inglis

Boi Buka laikim pen pren

Dia Edita,
Mi wanpela manki Buka tasol nau mi stap long Kimbe. Mi laik mekim pen pren wantaim ol man meri bilong olgeta hap long PNG. Mi gat 16 krismas.

Mi save laikim long pilai soka, ragbi na volibal. Mi save lotu long Luteran Sios.

**Adres bilong mi em:
Henry James, P.O. Box 644, Kimbe.**

**Henry James
KIMBE**

Ol Sepik long Kosunga gat het o?

Dia Edita,
Mi bilong Is Sepik tasol nau mi stap long Niu Ailan provins.

Mi laik autim liklik wari na toktok bilong mi long ol wantok Sepik bilong mi long Wasara na Kosunga long Is Sepik. Yupela ol lain bilong Kosunga i gat het o nogat?

Plis traim na tingting. Dispela wok bilong karim bakat pekpek na brumim pipia long ol taun em nogat narapela ples i save mekim. Nogat tru. Yupela ol Sepik long Kosunga tasol. Yupela save mekim olsem na daunim nem bilong Is Sepik provins.

Ol primia bilong Is na Wes Nu Briten, na Nu Ailan provins i toktok long rausim yumi go bek long provins bilong yumi yet.

Yupela save holim dispela wok bilong klinim ol taun bilong ol. Na ol i hambak.

Yupela traim lusim dispela wok long han bilong ol yet. Na bai yumi lukim ol.

Em tasol liklik wari bilong mi.

**Joe Pask
KAVIENG**

Tambu long prinim nem bilong Jisas

Dia Edita,
Mi laik autim wari bilong mi i go long manmeri husat i save putim ol klos i gat nem bilong bikpela Jisas Krai.

Mi no amamas long lukim ol dispela samting. Yupela ol gutpela Kristen brata na susa i mas save olsem nem bilong bikpela Jisas i no pilai nem. Yumi man

bilong graun i no ken pilai long nem bilong em.

Dispela pasin bilong raitim nem bilong Jisas antap long ol singles na ol arapela samting yumi save yusim i no gutpela.

Planti i save putim ol samting i gat nem bilong Jisas, na bihain wokim ol samting i no gutpela long ai bilong God.

Yumi no ken yusim nem bilong Jisas long wokim samting we i no gutpela long ai bilong ol arapela Kristen manmeri.

Mi askim ol lain husat i save prinim ol samting long stap na noken moa prinim ol samting i gat nem bilong Jisas.

**Henry Boffey
POPONDETA**

Husat i laik salim pas i kam long edita i mas raitim stret nem na adres bilong yu. Na salim i kam long dispela adres: Pas i go long Edita, P.O. Box 1982, BOROKO, N.C.D.

Ol meri Simbu gat namba long paulim man



Dia Edita,
Mi laik bekim pas bilong Michael Gaima. Em i tok ol meri Simbu i no save paulim ol maritman.

Bekim ya i bilong ol man i save wari long meri stret. Mi bekim pas ya bikos mi stap 4-pela yla long Katolik misin long Mingendi, Simbu. Na mi save lukim ol meri Simbu i pulap olsem anis insait long ka bilong ol plisman, na ol bisnisman.

Ating ol arapela no save lukim dispela kain pasin. Olsem na yu sapotim kain pasin olsem.

Ol meri Simbu i gat namba long paulim ol maritman na ol singelman tu.

Sapos yu sanap long Okuk haiwe, yu bai lukim ol meri Simbu putim longpela trausis, na saitim long dua bilong ka.

**Em tasol.
Donatus Kipila
HAGEN**

Noken sutim tok long Luteran sios tasol

Dia Edita,
Mi laik bekim pas bilong brata James Nip em i bin kamap long Desemba 17, 1992.

Em i tok Luteran Sios i mas senisim lo bilong en. Brata, mi laik askim yu, mama bilong yu karim yu nau tasol a? Ating yu i no bilong Papua Niugini.

Brata, yu tok olsem lo bilong sios i tambu long ol pipel long dring bia,

pilai kas na lukim piksa. Tasol mipela ol manmeri i no save bihainim ol lo ya.

Dispela samting i no kamap tasol long Luteran sios. Planti manmeri bilong olgeta arapela sios i save mekim olsem. Olsem na noken kolim nating nem bilong Luteran sios.

**Em tasol.
Tiolo Tong
VANIMO**

Ol meri no fit long joinim ami

Dia Edita,
Mi no amamas long Difens Minista Paul Tohian i tok long kisim ol meri long joinim ami.
Long tingting bilong

mi na sampela pren bilong mi, sapos ol meri joinim arapela dipatmen olsem plis o woda em inap.
Sapos Tohian laik apim namba bilong ol

soldia orait planti grasrut man i raun na stap nating.

Na ol i painim wok na mani wantaim. Mi ting olsem ol meri i no inap long mekim strongpela wok bilong ol man.

**Em tasol.
Theo Aweks
HOSKINS**

Gavman noken lus tingting long misin

Dia Edita,
Mi laik sapotim pas bilong brata Tobias Kepas em i bin kamap long Novemba 26, 1992. Kepas i tok gavman i no lukluk long ol misin.

Mi laik tok olsem gavman i mas luksave olsem God i putim ol pipel insait long mekim wok bilong gavman.

Olsem na gavman i mas lukluk long ol misin na helpim ol. Mi laik tokim gavman, wokman bilong God i stap na yu stap. Mipela olgeta misin i save tingting long yupela, na prea long yupela.

Olsem na yupela i noken lus tingting long mipela. Yumi mas helpim yumi yet olsem brata.

**Dontus Tapiakin
KIMBE**



Dia Edita,
Mi laik bekim pas bilong Joe A em i bin kamap long Desemba 3, 1992.

Em i tok no ken kolim Lae olsem namba tu siti bilong kantri. Brata, mi laik tokim yu olsem Lae i namba tu siti bilong Papua Niugini. Na yu i no inap mekim wanpela samting long senisim.


Yu bilong wanem hap tru na yu toktok olsem. Yu bilong Australia, Amerika o Japan? Sapos yu bilong PNG orait, yu noken komplem.

Yu stap tasol long Lae na pinisim olgeta wari bilong yu.

Em tasol na tenkyu.

**Nepona Nain
MOSBI**

Amamasim Nu Yia wantaim ol kalabus



• Sampela kalabus man i soim amamas bilong ol bihain long ol i karkai kakaruk na dring lolliwara.

MESERY GUBAG I raitim

NU YIA em i taim bilong amamas.

Olsem na ol pipel i save bung wantaim ol famili na pren bilong ol na amamasim dispela taim. Mi bin amamasim nu yia bilong mi wantaim ol kalabus manmeri long Bomana ausait long Mosbi siti.

Mi save harim ol wantok na pren i stori long ol haus kalabus. Tasol mi yet i no save go long hap. Na 1993 em i bin namba wan taim tru long laip bilong mi long go lukim ol kalabus manmeri.

Taim mipela go long namba wan get, woda husat i stap duti i larim mipela i go insait. Mipela kamap long namba tu get long go sainim nem bilong mipela long go insait long kompaun o haus slip bilong ol kalabus, na mi lukim 5-pela

meri kalabus meri sindaun arere long simen long get. Ol i wok long wetim narapela woda meri long kisim ol i go long bung mipela i laik go long en.

Olgeta putim blu yunifom klos na laplap wantaim retpela mak long en. Na gras long het bilong ol i sot tru. Mi wokabout i go insait na go kamap long hap we ol kalabus man i bung i stap.

Dispela em long fran long opis bilong ol woda. Ol i kamap na bung sindaun aninit long wanpela mango na marmar diwai. Sampela wokabout i go baksait long mipela, na sindaun klostu long banis.

Olgeta putim sotpela blupela trausis na blu siot wantaim retpela mak long en. Mi lukluk i stap na sampela moa i kamap. Tasol dispela ol lain i no putim yunifom bilong ol kalabus. Ol i putim klos

bilong ol yet. Olsem na mi askim namba tu bos bilong haus kalabus long dispela.

"Em ol lain husat i wetim kot na i kam stap," em i tok. Ol i no katim gras olsem ol arapela kalabus man. Planti long ol kalabus man i bin putim slipa. Tasol sampela nogat. Na ol wokabout lek nating. Namba bilong ol kalabus insait long Bomana haus kalabus em klostu long 150.

Mi lukim ol na mi wok long tingting planti tru. Olsem wanem na ol lain ya i kam stap long hia. I tru olsem ol i mekim rong. Tasol ol i man olsem mipela olgeta. Sampela i gat meri pikinini. Na sampela i gat ol brata na susa. Planti bilong ol i save stap tasol long haus kalabus na taim bilong ol pinis, na ol i go ausait. Tasol ol i no klia sapos ol lain husat i stap ausait bai orait long ol i kam stap wantaim ol. Ol i save go ausait wantaim planti tingting.

Na mi yet mi wok long tingting. Ating sampela i mekim ol rong pasin bikos ol i nogat narapela

moa rot long painim mani long sindaun gut. Na sapos ol i kisim sampela kain skul long mekim wok, ating ol inap long sindaun gut aninit long lo, na yusim save bilong ol long mekim sampela kain wok.

Sampela i mekim rong bikos ol pipel i daunim ol, na i no respektim ol. Ol arapela i mekim rong bikos ol pipel i no laik givim sans long ol long mekim ol samting long kamapim gutpela sindaun bilong ol.

Mi wok long tingting olsem i stap na wanpela duti opisa kirap na tokaut olsem sampela kalabus bai singim wanpela song. Ol kalabus i wokabout i go ausait long fran, na ol i singsing. Bihain narapela grup gen i go aut na singsing. Taim ol i pinis, mipela olgeta paitim han long ol na ol i go sindaun.

Na mi tingting gen. Ating planti i save senisim tingting na pasin taim ol i kalabus. Tasol ol pipel ausait i no save givim ol sans

long sindaun gut. Olsem na ol i save go bek long olupela pasin na mekim trabel.

Bihain long ol bikman bilong ol woda na kampani husat i bringim kaikai long ol i toktok, wanpela kalabus man i mekim prea, na ol i go kisim kaikai na dring bilong ol. Betelnut Holding na SP Brewery i bin givim kaikai na ol lolliwara i go long ol kalabus.

Na wanpela nem pawa ben bilong Mosbi, Bluff Inn Soles i bin go pilai long amamasim nu yia wantaim ol kalabus. Dispela ben i bin pilai long ol kalabus fri. Na dispela i no namba wan taim bilong ol. Ol i bin stat go pilai long hap bihain long wanpela ben memba Russel Elias i bin go kalabus na kam ausait.

Dispela em long 1979. Na long dispela taim i kam inap nau, long olgeta nu yia ol i save go pilai ben na amamasim nu yia wantaim ol kalabus. Ol i no save sasim fi long dispela.



• Ol kalabus i singsing na tok welkam long ol lain husat i go bung long amamasim nu yia wantaim ol.

Hevi bilong haus stap long olupela gavman: Jaminen

GODFRIED NIAKA i raitim

NESENEL minista bilong Hausing Komisen, John Jaminen i no laikim Seketeri bilong Lens, Paul Bengo long putim hevi antap long Wingti gavman olsem em i no kamapim ol polisi bilong Nesenel Hausing Kopresen (NHC) bihainim Namaliu gavman long 1989.

Mista Jaminen i mekim dispela toktok long bekim ol toktok bilong Mista Bengo long las wik olsem NHC i no kamapim besik selta polisi bilong olupela Namaliu gavman.

Mista Bengo i tok olsem lo namba 1/94 bilong

Nesenel Eksekutyutiv Kaunsil long mun Septemba 1989 i tok olsem Lens Dipatmen, Hausing Kopresen na Nesenel Kapitel Distrik Komisen i mas wokbung wantaim long kamapim dispela polisi bilong Namaliu gavman. Na tu Seketeri i tok Dipatmen bilong em i bin stretim graun long wokim ol haus, tasol NHC i no mekim wanpela samting long mekim dispela polisi i karim kaikai.

Olsem na Mista Jaminen i tok hevi i no bilong Wingti gavman. Samting i stap wantaim olupela gavman yet.

Mista Jaminen i tok dispela tu bai suvim nau gavman long tromoi bikpela mani na taim long kamapim dispela besik selta polisi bilong Namaliu gavman.

Em i tok, "Bengo i no ken putim hevi long NHC na gavman bilong Wingti. Hevi bai go long olupela praim minista na ol minista bilong em."

Tasol em i tok long nau yet, em i gat strongpela bilip olsem NHC bai kamapim dispela polisi bilong olupela gavman. Na em i no amamas long ol papa graun i wok long salim graun long gavman.

Dispela i no gutpela na em i tok, "Gavman i mas traim kamapim Hausing Join Vensa wantaim ol papa graun. Na mekim ol pipel i mas kamap ol hap han bilong ol wok kamap na kirapim kantri."

Narapela bikpela samting tu em minista i tok long NHC bai traim kirapim wanpela beng bilong em yet, Nesenel Hausing Kopresen Fainensel Beng. Na dispela beng "bai helpim ol manmeri long kisim ol liklik dinau bilong wokim ol haus bilong ol yet," em i tok.

Na em i laikim ol pipel long helpim na sapotim dispela tingting bilong em. Bikos long nau yet, ol pipel i save painim hat tru long kisim dinau long ol bisnis beng bilong wokim haus. Long wanem ol bisnis beng i save sasim bikpela takis antap long dinau mani.

Na em i tok tu olsem ol mani bodi bilong gavman olsem Nesenel Providen Fan, Nesenel Invesmen Kopresen na Pablik Opisas Supaenuesen Fan i no save helpim gut ol pipel. Long Egrikalsa Beng, em i tok ol politisen na ol bikpela bisnismen tasol i save kisim helpim.

Barter kros long ol bot kampani

RIJONAL memba bilong Madang, Peter Barter i no amamas long ol kampani husat i save wokim ol spitbot.

Em i tok planti bilong ol dispela kampani i no save putim ol arapela samting insait long bot bilong helpim ol pasindia sapos ol i painim hevi long solwara.

Mista Barter i mekim dispela toktok bihain long wanpela banana bot i lus long Madang long 24 Desemba, 1992.

Em i tok planti spitbot nau i no gat ol samting olsem laip jaket, samting bilong mekim bot i drip yet na ol arapela LSA samting taim bot i bungim birua.

Moa PNG yut lukim wol long sip

GAVMAN bilong Japan i oraitim pinis 13 yut bilong Papua Niugini long go long kantri bilong en na stap insait long wanpela Ship for World Youth program.

Ol 13 yangpela bilong Papua Niugini husat i lusim pinis Mosbi long Mande, 11 Januери na

go long Japan em Bernadette Clem, Florence Kipa, Daisy Doris Dai, Kaia Arere Hitolo, John Christopher Paru, Melchior Kalik Maik, Michael Pusih Simel, Julius Leonard Pololi, Tau lubu Rei, Thomas Romney Piliwas, Ben-

jamin Heroma, Jim James Abani na Patrick Levo.

Na ol bai kam bek long Papua Niugini long 15 Mas, 1993. Gavman bilong Japan yet bai lukautim wokabout bilong ol.

Long dispela raun

bilong ol, ol lain ya bai stap long Japan inap long wanpela wik. Na bihain ol bai kalap long sip *M.V. Jippon Maru* wantaim ol narapela 300 yut na go long Amerika (Honolulu na Sen Fransisko), Santo Domingo, Venezuela na Kosta Rika.

NOKEN BAIM MOA LONG OL STOA!



**10t
TASOL**



**10t
TASOL**



**10t
TASOL**



**10t
TASOL**



**5t
TASOL**

Sapos ol askim moa...go long narapela stoa!

Lukluk gut na kisim ol ovasis wokman

Dia Edita

Mi laik sapotim pas bilong brata Bernard Mondo bilong Kimbe. Pas bilong em i bin kamap long Septemba 10,1992.

Brata ya i toktok long ol ovasis bisnisman husat i save kam na wok long Papua Niugini.

Mi sapotim tru tingting bilong brata ya na laik tok olsem gavman bilong Papua Niugini i mas lukluk gut, na kisim ol bisnisman long ovasis i kam long PNG na wok.

Long wanem sampela ovasis man i gat sampela tingting long baksait bipo ol i kam hia long wok bisnis. Na tu ol i save kam wantaim kain kain lotu bilong ol. Na dispela i save bagarapim na paulim bilip bilong ol manmeri long PNG.

Sampela ovasis man i gat kainkain save bilong wok we ol i kam long mekim. Tasol long sait, ol i laik wokim bisnis tu long kisim moa mani long PNG, na salim i go bek long kantri bilong ol.

Wanpela gutpela piksa o eksampel mi lukim long Madang provins em wanpela waitman i laik wokim bisnis bilong em, na ol papagraun i no wanbel wantaim em.

Olsem na ol bikman bilong Papua Niugini i mas lukluk gut, na kisim ol ovasis wokman long kam na wok hia.

Yumi mas save olsem yumi i no sot long ol save-man. Yumi gat planti saveman i stap.

**Mike Amleh
LAE**

Tambu long kisim strongpela dring long Wes Irian i kam insait long Wes Sepik

Dia Edita

Mi no amamas long lukim ol lain long Is na Wes Kos long Vanimo i save go kam long Wes Irian, na kisim ol strongpela dring i kam insait long Wes Sepik provins.

Bikpela samting nau em liklik lain manmeri tasol i save kisim paspot na i go long Wes Irian. Na planti nogat. Ol i save go nating long laik bilong ol tasol.

Taim ol i laik kam bek long Vanimo, ol i save kisim ol strongpela dring i kam na salim long ol arapela manmeri insait long Vanimo taun.

Mi lukim dispela kain pasin na mi no amamas tumas.

Long wanem dispela i ken bringim planti kainkain liklik hevi nabaut i kam insait long provins, na tu long ol manmeri.

Na tu ol dispela lain i save mekim bikpela mani tru long salim dispela ol strongpela dring long ol manmeri long Vanimo taun.

Olsem na mi laik askim ol gavman wokman long Vanimo long lukluk gut, na traim putim kamap wanpela lo long traim na stapim dispela samting.

**Julian Ronald Wamu
VANIMO**

Ol meri Simbu save daunim nem

Dia Edita

Mi laik autim liklik tok kros bilong i go long ol meri Simbu husat i save stap nating long Yonki.

Olgeta potnait wik long Fraide, mi save lukim ol i bilas gut tru na raun nabaut long Yonki rot, na stapim ol wokman bilong Elcom na gris wantaim ol, na bihain askim long K2.

Na taim ol PMV draiva i kam lukim, ol i save tanim het na tok: "Meri Kasup."

Tasol ol i no ol meri Kasup. Ol meri Simbu ya.

Olsem na mi save sem nating long ol PMV draiva i givim nating nem Kasup i go, long dispela ol meri Simbu.

**Edwin M Yodo
Yonki
KAINANTU**

Yusim gut ol gavman ka



Dia Edita,

Mi laik autim wari bilong mi i go long ol plisman na ol wokman bilong Elcom long Yonki, Isten Hailans provins.

Yes, planti taim mi save lukim ol wokman bilong plis fos na Elcom i yusim ka bilong gavman long mekim wok bilong ol yet. Ol wokman i save yusim gavman ka long kisim ol famili raun.

Mi no laikim dispela kain pasin

bilong paulim ol gavman ka, na yusim long kisim ol famili i go i kam. Dispela i no famili ka bilong yupela.

Gavman i baim ol dispela ka long wok, na i no bilong raun nating.

Olsem na mi askim yupela long yusim ol dispela ka gut, na maski long yusim long pravit wok bilong yupela.

**Edwin M Yodu
KAINANTU**

Maski promis nating ol pipel bilong Enga long ileksen taim

Dia Edita,

Mi laik autim komplèn bilong mi i go long ol lida bilong Enga long provins, na tu long nesenel gavman.

Long taim bilong ileksen, ol lida i bin promis long mekim wok bilong ol pipel, na givim sevis i go long ol. Tasol sampela mun bihain long ileksen i pinis, mi no lukim sampela kain helpim ol lida i mekim long ol pipel bilong Enga provins.

Dispela kain pasin bilong promis i no bilong nau tasol. Planti taim dispela kain pasin bilong giaman-im ol pipel i save kamap long ileksen. Na mi no laikim dispela kain pasin bilong promisim ol pipel nating.

Sapos yupela ol lida tru, yupela mas kamapim promis bilong yupela.

Yu wanpela man i no inap makim yu yet long kamap lida. Olgeta man i bin hatwok long votim yu. Olsem na yu mas mekim wok bilong ol.

Enga em i wanpela provins we i gat gol. Na ol lida i no wokim wanpela samting long yusim dispela mani bilong gol long senisim provins. Ol i no laik toktok wantaim ol kampani long kisim sevis i go long ol pipel.

Planti hap bilong provins i nogat gutpela rot, haus sik, na skul.

**Samson Kissa
BOMANA**

**Give it
to me!**



trukai

**GIVE ME STRENGTH!
GIVE ME HEALTH!**



WANTOK **BISNIS LONG PAPUA NIUGINI** **WANTOK**

Nupela grup bai sekim pe bilong ol kaikai na sevis

MESERY GUBAG i raitim

WANPELA sabmisin o pepa we i askim long lukluk long wari bilong ol pipel long pe bilong ol samting i redi pinis. Deputi praim minista na Fainens

na Plening minista, Sir Julius Chan i redi dispela sabmisin, na bai givim palamen long mun Februeri. Na sapos palamen i orait long en, wanpela grup ol i kolim Consumers Affairs Council (CAC) bai kamap.

Sir Julius i tok wok bilong CAC em long harim wari o komplem

bilong ol pipel long pe bilong ol samting ol i baim o sevis ol i kisim.

Na mekim wok painimaut long ol kampani ol pipel i komplem long en, na sekim pe bilong ol samting ol i salim o sevis ol i givim.

Nau yet i gat wanpela kain komiti olsem ol i kolim Consumer Affairs

Bureau. Tasol ol i save sekim tasol pe bilong ol kaikai long stua.

Wok bilong bilong CAC bai bikpela moa long dispela komiti. Bikos ol bai lukluk long pe bilong olgeta samting long ol stua, na ol kampani nabaut. Na sekim sapos ol i bihain ol lo na pe gavman i makim long ol samting insait long kantri.

Pe bilong suga bai no inap go antap

PRAIS bilong suga long ol stua bai i no inap senis o goap long dispela yia.

Jenerel Menesa bilong Ramu Suga kampani, Mista A MacGillivray i tokaut long dispela long las wik Fraide, Janueri 8.

Long sem taim em i tokaut olsem ol i mekim dispela bikos ol i bin sevim sampela mani. Bikos gavman i bin daunim takis ol i save baim long salim ol suga i go long ovasis, na long baim ol masin bilong helpim long planim na mekim suga.

Taim Deputi praim minista na Fainens na Plening minista, Sir

Julius Chan i kisim dispela tok-save, em i bin amamas. "Dispela em i gutpela. Na ol pipel husat i save baim suga bai amamas. Nau ol pipel i ken stat long lukim baset bilong gavman i karim kaikai. Bikos prais i no go antap. Tasol em i stap wankain.

"Na sapos ol samting mipela i plen long em i kamap gut, prais bilong ol kain samting olsem bai go daun. Na toksave bilong Mista MacGillivray em i namba wan hap tasol bilong ol dispela plen.

"Ramu Suga em i namba wan kampani long kam na tokaut long senis i kamap, bihain long gavman i kamapim baset bilong em.

Na mi save olsem planti arapela kampani bai mekim olsem tu," Sir Julius i tok.

Em i tok em i amamas tu long harim olsem prais bilong suga ol arapela kampani i save baim long mekim ol samting olsem loliwara, bisket na ol kaikai nabaut i go daun. Nau ol inap long sevim K100 long wanwan tan suga ol i save baim. Bikos prais bilong wan tan suga nau em K953.

Mista MacGillivray i tok dispela senis long prais bilong suga i bihainim tasol muv bilong gavman long rausim takis ol kampani husat i save mekim ol samting save baim insait long Papua

Niugini.

Long dispela taim, Sir Julius i tokaut olsem long dispela yia, gavman bai lukluk long sampela moa we long rausim o daunim takis bilong ol kain samting olsem fetelaisa. Bikos dispela em i wanpela rot long helpim ol indastri insait long kantri i groa.

Em i tok dispela kain muv bai strongim ol kampani insait long kantri long wok gut na groa. Na taim dispela i kamap, em bai helpim long daunim hevi bilong i nogat wok.

Bikos ikononi bai stat long groa na ol pipel bai gat wok long mekim.

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K236

KANDRIAN na NAMATANAI	Smoke	K228
	F.M.S	K230
	Hot Air	K233

BUKA	Smoke	K227
	F.M.S	K229
	Hot Air	K232

FINSCHHAFEN	Smoke	K223
	F.M.S	K225
	Hot Air	K228

LORENGAU	Smoke	K198
	F.M.S	K200
	Hot Air	K203

KEREMA	Smoke	K218
	F.M.S	K220
	Hot Air	K223

KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapos long Gavman. Dispela i stat long Janueri 1, 1992

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
30/11	1/12	2/12	3/12	4/12

Pe ol baiya sasim long papa bilong fementri	K713	K711	K719	K719	K707
---	------	------	------	------	------

Sapot prais	K500	K585	K585	K585	K585
-------------	------	------	------	------	------

Prais ol papa bilong fementri i kisim
K1213 K1296 K1304 K1304 K1292
Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

KOPI

Pe bilong drai arabika na robusta kopi long wanwan kilogrem long Decemba 7, 1992. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K160
Goroka	K154 to 155
Minz na Banz	K135 to 145
Hagen	K134 to 135
Lae	K145
Mumeng	NQ
Wau/Bulolo	NQ
Madang	K100

Ol ripot i kam long Kopi Indastri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :
Is Sepik K90
Madang NQ
Ripot bilong ol arapela senta husat i save groim robusta kopi i no kamap.

RABA

Gavien faktori (ESP) - 21 t/kg
Doa faktori (Sentrel) - 36 t/kg inap long 39t/kg

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem; Drai long san em namel long K0.80 na K1.10. Drai long faktori em namel long \$6.50 na \$8.00. A. T. Agri i lukaotim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Kos long wanpela lita Ex Pump (Wantaim takis)	
Petrol	47.9 toea
Disil	37.2 toea
Kerosin	43.8 toea



Ol lokol atis gat maket nau



• Long Papua Niugini, em i hat tru long ol atis long salim piksa bilong ol. Bikos ol pipel i no save baim ol piksa ol i droim. Dispela pasin i wok long senis nau. Bipo ol atis hia i save tingting long salim ol piksa bilong ol long ol waitman. Olsem na ol i save kisim ol piksa ol i droim i go raun long ol opis, na salim long ol waitman o ol bikman. Nau ol i traim long salim ol piksa long ol grasrut pipel bilong PNG yet. Na piksa ya i solim wanpela man Goroka, Molmo Mondu holim na algris long piksa bilong wanpela atis long Godens maket long Sande, Janueri 3, 1993. Foto: MESERY GUBAG

Gret Briten laik kamapim moa bisnis wok long PNG

I GAT bilip olsem Gret Briten bai kamapim moa bisnis wok insait long kantri long 5 o 10-pela yia bihain.

Minista bilong Stet ov Foren na Komonwel Rilesens long Gret Briten Alastair Goodland i tok olsem bihain long em i lukluk raun

long sampela bisnis wok bilong Britis insait long kantri. Em i bin lukluk raun long tripela de olgeta.

Em i lukluk raun long ol bisnis wok bilong Britis olsem ol dispela em Komonwel Developmen Kopresen (CDC) i ranim insait long Is Nu Briten, na Poliamba Wel Pam

Estet long Nu Allan. Em lukluk raun tu long Lihir Gol Main na Poliamba Kakao Fementri long Kamiraba.

Mista Goodland lukluk raun long ol dispela bisnis wok na tok em i gat laik long strongim bisnis wok namel long Gret Briten na PNG.

PE BILONG AIR NIUGINI LONG PNG TASOL

KISIM LONG I GO LONG PE BILONG	PE BILONG
	BALUS KAGO
POM Alotau	K101 K1.01
POM Daru	K117 K1.17
POM Goroka	K114 K1.14
POM Hoskins	K140 K1.40
POM Kavieng	K234 K2.34
POM Kundiawa	K113 K1.13
POM Lae	K95 K0.95
POM Madang	K129 K1.29
POM Manus	K206 K2.06
POM Mendi	K136 K1.36
POM Misima	K155 K1.65
POM Mount Hagen	K132 K1.32
POM Popondetta	K59 K0.59
POM Rabaul	K187 K1.87
POM Tabubil	K189 K1.89
POM Tari	K153 K1.53
POM Vanimo	K234 K2.34
POM Wapenamanda	K141 K1.41
POM Wewak	K180 K1.80

Ol kago em hevi abrusim 16kg bai gat pe

Exchange Rates

Bank buys at:	Notes	T/T
Australia	1.5275	1.4956
USA	1.0377	1.0099
UK	0.6795	0.6533
Bank sells at:		
Australia	1.4846	
UK	0.6403	
USA	1.0249	
Solomon Islands	3.0854	
China	5.4123	
Fiji	1.5680	
Hong Kong	7.6996	
India	28.329	
Japan	124.48	
New Zealand	1.9303	
Philippines	24.538	
Singapore	1.6465	
Switzerland	1.4916	
Germany	1.6259	
Gold rates (in US\$):		
per ounce	\$328.9	
per gramme	\$10.57	

YU NO INAP WINIM TOYOTA HILUX

Dispela kar tasol em i bikpela na strongpela 1 tonne 4 wil draiv kar insait long Papua Niugini nau. Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap bilong Papua Niugini i sapatim dispela nupela kar.

Ela Motors

NAMBAWAN LONG
PAPUA NIUGINI

- PORT MORESBY 229400
- LAE 433655
- RABAU 921988
- MADANG 822188
- GOROKA 721844
- MT HAGEN 521888
- WEWAK 862255
- KAVIENG 942132
- KIMBE 935155
- TABUBIL 589060
- VANIMO 871254
- PORGERA 579367



EN 4249

Tewel kilim pikinini man



BIPO bipo tru long Susuruga eria bilong Nu Ailan provins, i gat wanpela famili i bin stap.

Ol stap i go na wanpela taim san i kamap na stap longpela taim stret. Nogat ren i kam liklik. Mekim i go na olgeta ples wantaim wara i drai olgeta.

Wanpela de papa tokim meri na pikinini bilong em olsem em bai go long wara, na painim sampela kindam.

Papa kamap long wanpela drai wara na mekimsave long mumutim ol kindam i stap. Em mumutim planti kindam tru na klostu san i go daun, na em karim i go bek long haus.

Em kamap long haus na givim meri long kukim. Meri kukim i stap na papa i go long haus boi, na stori wantaim ol arapela man i stap.

Pikinini man bilong tupela pilai long ausait i go na go insait long haus. Em lukim ol kin-

dam na laik kaikai sampela. Tasol mama i tokim em long wetim papa pastaim.

Pasin bilong ol pikinini man ya. Bikhet bilong ol i moa moa yet. Em krai na mekim nabaut long haus. Olsem na mama givim em olgeta kindam. Pikinini kaikai pinis na go bek pilai wantaim ol arapela manki i stap.

Orait papa stori i go na tingim ol kindam bilong em. Em kamap long haus na askim meri long kaikai. Meri givim em ol taro tasol na kindam nogat. Papa askim na meri tokim em, "Kiau bilong yu krai long kindam na kaikai olgeta pinis." Papa belhat olgeta na pinisim olgeta tok nogut long mama na pikinini.

Pikinini mekimsave long pilai ausait i stap. Na mama i wok long krai insait long haus. I no longtaim pikinini harim krai bilong mama, na go insait long sekim. "Mama! Mama! Yu krai long wanem," pikinini askim, "Papa paitim yu ah." Na mama tokim pikinini olsem papa i tok nogutim tupela long pinisim olgeta kindam. Olsem na em i krai. "Mama yu noken wari, bai mitupela bekim kindam bilong papa," pikinini man tokim mama olsem na ran i go ausait.



Mama kisim pompom wantaim naip na basket, na pikinini man bihainim em. Tupela wokabout i go na kamap long wanpela wara we mama ting i gat planti pis na kindam.

Tasol dispela wara i gat wanpela tewel man, husat i save kaikai ol man. Tangu mama na pikinini i no save.

Tudak pinis na mama laitim pompom, na painim ol pis. Pikinini slip long hul bilong ston arere long wara, na wetim mama i stap. Mama pompom i go na pikinini wet i go na slip indai. I no longtaim tewel man kam daun na kaikai em. Tewel ya larim ol bun tasol i stap na kalap i go antap long ston na wetim mama i stap.

Mama pompom i go na kam long sekim pikinini. Em kalap nogut na lukim ol bun tasol i stap. Kirap nogut tewel man i tanim olsem man bilong em.

Meri ting man tru bilong em long ples i wari na bihainim tupela i kam. Meri tokim tewel olsem em katim han bilong em, na tewel i karim basket. Meri i karim paia pompom na i go pas long wara.

Meri kisim ol kindam na givim long tewel man long putim long basket. Tasol tewel man i wok long daunim tasol ol dispela kindam. Mekim i go na meri painimaut olsem dispela i no man tru bilong em.

Kwiktaim meri ya kamap wantaim wanpela tingting na tokim

tewel man long wetim em. Em kisim pompom i paia long en na wokabout i go namel long wara.

Namel long wara i gat wanpela rop i muvim i go i kam. Mipela kolim dispela rop long tokples olsem susuruga. Em pasim pompom paia antap long dispela rop, na wara i wok long mekim i go i kam.

Tewel man lukim na ting meri i wok long painim pis i stap. Tasol meri ya ranawe i go pinis long ples.

Em tasol stori bilong mi. Dispela stori tumbuna i bilong skulim ol manmeri long ples long gutpela pasin bilong lukautim famili.

William Baimo
Susuruga
NU AILAN



WANPELA bikman Kerema ringim wanpela meri Tolai long DWI long Madang na tok em save wok olsem wanpela CID long Mosbi. Sumatin ya harim na indai stret long boi K'Ave ya. Na dispela meri tu i no save skul na slip gut long nait. Oltaim em i save tingim dispela bikman Kerema. Wanpela nait Kerema ringim dispela meri na tokim em olsem em bai go long Madang na slip long Rum 208 long Madang Resort Hotel. Susa ya harim olsem na tekov long neks de belo taim bilong bungim boi Kerema long Pos Opis. Taim ai bilong meri Yauro i pas long boi K'Ave, em tingim singsing bilong Telek, "I no long wanem samting, ai bilong yu tasol." Man, susa ya pret nogut tru long boi Kerema na krai wantaim na tekov i go bek long skul. Bikos bikman ya em tupela blut bilong Kerema na Torrestreit Ailan long Australia. Na meri ya i no laik lukim dispela man gen bikos em i gat windo long tit na save miks wantaim solwara.

Ben Taumai,
Madang, M.P.

WANPELA meri Wabeg i stap long ples na kisim sik het pen na pekpek wara. Em lusim ples na i go long haus sik bilong kisim marasin, tasol em i no save gut long Tok Pisin. Em kamap long haus sik na nes askim em, "Yes susa, yu sik olsem wanem?" Meri Wabeg kirap na bekim, "Het i pen na wara wara i ron." Nes i paul long 'wara wara i ron' na askim gen. Mekim i go i go na meri Wabeg i les olgeta. Taim nes i askim namba 5 taim gen, meri Wabeg i kirap sanap putim han antap long het na tok, "Pen antap long hia," na putim han i go daunbilo long as na tok, "wara wara i ron daunbilo long hia." Nes kirap na lap isi tasol na tok, "Nau mi save. Pen long antap na wara wara i sut long damblo. Hia, kisim kat bilong yu na go kisim marasin."

Sape Metta,
Goroka, E.H.P.

Papamama laikim pikinini meri marit long provins yet



Dia Laiplain,
Mi wokim las yia trening bilong mi long wanpela koles wantaim studen bilong ol arapela provins.

Papamama bilong mi i no laikim mi long prenim wanpela boi bilong narapela provins. Tupela i tok sapos mi prenim man bilong arapela provins na marit, mi bai lusim na i no inap lukim tupela.

Tupela i askim mi long lusim namba wan boi pren bilong mi. Nau mi gat nupela boi pren tasol, em i bilong arapela provins tu. Mi gat bikpela laik long dispela man, tasol mi laikim tu papamama bilong mi.

Nau mi gat 19 krismas. Na mi ting mi bikpela meri pinis long wokim samting long laik bilong mi.

CAPABLE

Dia Pren,
Hevi yu gat i no nupela samting. Planti pipel long Papua Niugini i gat wankan hevi olsem bilong yu.

Planti yangpela pipel tude i painim pinis ol nupela rot long mekim ol samting. Taim papamama bilong ol i holim yet pasin tumbuna.

Yu kisim tu tingting bilong papamama bilong yu, na skelim dispela hevi? Pasin tumbuna em i wanpela bikpela samting long ol. Ol i laikim yu long stap klostu long ol, taim ol i lapun.

Hia em sampela samting yu mas tingting long

em. Taim tupela manmeri wantaim narapela kain kastom i marit, bai i gat hevi i kamap long marit, na tupela mas stretim ol dispela hevi long stapim hevi i kamap.

Ol papamama bilong yu i save olsem sampela kain hevi bai kamap taim yu maritim man husat i gat narapela kastom long yu. Ol i laik helpim yu tasol, long noken stap insait long ol dispela kain hevi. Olsem na ol i laikim yu long kisim man long provins bilong yu.

Yu soim rispek tu long papamama bilong yu, na traim pren wantaim ol boi long provins bilong yu. Papamama i painim wanpela man long provins bilong yu tu o no gat?

Yu sindaun wantaim papamama bilong yu tu na tokim ol long nupela pren bilong yu, na kisim tingting bilong tupela. Sapos yu painim hat, tokim wanpela famili memba bilong yu long go tokim papamama bilong yu.

Yu mas stap isi sapos yu laikim papamama i bihainim tingting bilong yu.

Papamama i bungim pren bilong yu tu? Sapos nogat, yu mas kisim em i go na soim long tupela. Tupela inap laikim em sapos ol i lukim em, na ol i ken tokorait long yu long maritim em.

Na sapos tupela i no laikim yu long maritim dispela man, yu yet mas wokim las tingting, na i nogat arapela man bai wokimlas tingting long yu.

Mi Lalplain

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong yu long hia.

Laikim long wok gaden



• Nancy Malcom i gat 9-pela krismas tasol. Tasol em i save laikim tru long wok long gaden. Hia em i laik kisim sampela naispela tomato bilong em long ples Kefamo, na kisim i go sallim long Goroka taun maket. Foto: Sape Metta.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203
John lagata - Ext. 215
Kosinto Fosagu - Ext. 216
Bonner Hui - Ext. 202**HARBOURS****PASIM HAP BILONG A.P.C BRIS**

Dispela tok save i go long olgeta man, meri na pikinini olsem mipela i pasim pinis hap ausait bilong APC Bris long Stanley Esplanade long Mosbi. Bikos mipela i ting olsem dispela hap i no gutpela bilong ol manmeri long yusim. Na dispela tambu i go tu long ol ka, motobaik na wilwil.

Stat long 31 Janueri, 1993 mipela bai rausim olgeta pawa na wara saplai i go arere tru long bris, na brukim olgeta samting i sanap long hap.

Narapela 50 mita i go insait long bris i orait. Olsem na ol sata pasindia sip na bot wantaim ol arapela sip bai yusim yet dispela hap bilong bris. Olgeta papa bilong ol sip na bot i stap long hap ausait long Bris i mas rausim ol sip na bot bilong ol long dispela hap pastaim long 31 Janueri, 1992.

P. R. KAIVEPA - MENESING DAIREKTA

You'll get the results you want with an ad in the classified section.

Call today on 25 2500 or fax 25 2579.

MADANG TAUN INTERIM KOMISEN**PABLIK TOKSAVE**

Ol pipel husat i stap long Madang i mas save olsem yupela mas rejistaim nau dok bilong yupela.

Bihain long Mas 31, 1993, Komisen bai rausim ol dok husat i no rejista na raun nabaut long rot, o long eria bilong wanpela man.

Long lukautim dok bilong yu, go nau long opis bilong Komisen na rejistaim dok bilong yu.

Hia em ol rejistresen fi: **DOK MAN - K10** **DOK MERI - K15**

Sapos yu gat sampela askim long dispela, plis ringim Sinia Helt Inspekta o Deputi Taun Menesa long telepon namba 82-2633 o 82-2227.

TOK SORI**BEL WARI NA TOK SORI**

i go long

MIS ROSLYN EDONI

husat i bin wok wantaim Dipatmen bilong Trensport na i bin sik na dai long 5 Janueri, 1993.

Mi wantaim ol wokman bilong Dipatmen i laik salim bikpela tok sori na bel wari bilong mipela i go long pikinini bilong em Galvin, ol Edoni famili na ol pren na arapela famili bilong em long dispela taim bilong wari.

Em i ken slip wantaim Bel Isi

G. K. ZURENUOC
Ekting Seketeri.

**POSF SOKA KLAP
PRESENTESEN DINNER DANIS**

Ples: Shang Palace Restaurant, Cathay Klab.
De: Sarere, 23 Janueri, 1993.
Taim: 7 klok nait i go inap biknait tru.
Dua: K20 long wan wan man (wantaim kalkai).

Tok save:

• Ol bai salim tiket tu long dua bilong go insait o yu ken ringim Charlie Tom long telipon namba 21 3201 na askim long baim wanpela.

• Long danis, ol bai givim tu ol tropi na prais bilong 1991-1992 Mosbi pablik sevan soka resis bilong klap.

**All the
league
news**

when it happens!

**every week
in your
Wantok
&
Times**

NIUSPEPA BILONG YINMI STRET

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

28 pes

Namba 965

Wik i stat long Trinde, Desemba 30, 1992.

40 toea

MOROBE TINPIS STAP HAIT YET

Gavman: Niuslain helpim ol BRA:

FRANCIS ULIAU i raitim

NO GAT klia tok i kamap yet long wanem hap nupela tinpis fektori bilong Tred na indastri long Morobe provins bai stap long en.

Na ol lain long Dipatmen bilong Morobe wantaim provinsal Lens opis i no save long wanem samting i kamap nau. Bikos, ol i tok, olgeta samting i kamap tasol long opis bilong Tred na indastri long Mosbi. Na no gat gupela toktok na wokbung i save kamap wantaim ol lain long provins. Seketeri bilong Morobe provins.

Manasupe Zurenuoc i tok em yet i no klia long wanem hap dispela nupela tinpis fektori bai sanap long en. Bikos i gat planti kam kam toktok i stap yet.

Em i tok nau, ol i wetim tasol rpot bilong ol lain long Tred na Indastri husat i bin go long Malesia wantaim minista David Mai. Na bihain long Nu Yia, ating em bai inap kliaim ol dispela samting.

Long 14 Novemba i go inap long 21 Novemba, 7-pela opisa bilong gavman i bin go long Malesia na Filipin Ailan bilong sekap long ol tinpis bisnis long hap. Na ol bai gwim ol rpot i go long bos bilong dipatmen long namba wan wik bilong neks yia.

Namel long ol 7-pela opisa ya em wanpela bilong Enviromen na Konsevesen, Fainens na Plening, Lae Sitr Atoriti, Morobe provinsal gavman na tripela long dipatmen bilong Tred na Indastri.

Long wankain taim, rpot i kam long provinsal Lens opis long Lae i tok ol i no save long wanem samting i kamap nau. Bikos ol lain long Tred na Indastri i no toktok stret wantaim ol

Mipela i save tasol long dispela ol samting long niuspepa "wanpela opisa bilong dipatmen i tok. Em i toktu oisem Tred na Indastri i bin mekim wanikain samting tu long ol lain i go mea long pes 2



Goroka brukim la... Long las mun, Gavman i bin mekim tasol long ol pipel i wot long ol rot na maket. Tasol ol pipel i wot mit bilong sipsip na ol kaikai olsem.

GAVMAN i tok olsem ol niusman i wok long helpim ol BRA long salensimpawabilongen long Bogenvil. Man husat i lukautim nius bilong Bogenvil, Franzalbert Joku i tok dispela i wok long daunim strong bilong ol lain husat i laik stretim hevi long hap. Dispela tok i bihainim wanpela 3 pes rpot insat long Post Courier long toktok bilong wanpela men loya bilong Australia, Rosemary Gillespie husat i stap long Bogenvil. Gillespie i bin tok olsem ol sekyurti fos i lusim Itakara rot na Tunuru masin.

- Plis opisa joinim NCDC bod...p2
- Glasim 1992...p3
- Is Sepik baset...p5

Nupela mak bilong ne i dau

MESERY GUBAG i raitim

Ol lain husat em kismas bilong arinit long 21 kismas na wot ol leba bai kismas 42. Varpela wik stat long Indastriel Rejistrasi

400T

tasol!

Hawks tanim na rausim ai bilong ol man Chebu

LONG statim namba tu raun, Chebu i bin salim gem bilong ol i go long Hawks long A gret sofbal resis bilong ol man long Mosbi long Sande, Januari 10.

Na ol i bin lus 8-7. Long namba wan na tu ining, ol i karamapim ai bilong ol Hawks wantaim tudak na wokim 6-pela homran. Hawks i bin bekim wantaim tripela homran.

Chebu i wokim wanpela moa ran long namba foa ining. Tasol dispela i no bin stapim ol Hawks long flaim bal i go long autfil taim ol i bin pilai na mekim waripela homran.

Chebu i no tromoi bal strong na ol pilaia bilong Hawks i wokim foapela homran long namba 5 ining. Chebu i guria long painimaut olsem Hawks i bin tekova pinis long skoa bilong ol. Na ol i bin traime long mekim blok

pilai long stapim ol. Tasol ol i bin tulet.

Ol man Kokopo ya i bin wokim ol homran isi isi tru. Na ol Chebu i no bin lukim.

Na dispela i mekim na ol i go pas long wanpela poin. Long las ining, Chebu i traime long paitim sampela flaibal na wokim ol homran. Tasol ol bal ol i paitim i go insait long glav bilong ol man long namba wan bes, namba tri bes na senta autfil. Na ol i lus.

Long ol arapela gem, Gazelle i bin winim Karanas 30-0. Malangan i bin mekim pebek long lus bilong ol wantok bilong ol na winim Manalos, 14-7.

Ol pawaboi bilong Elcom i bin soim strong bilong ol na rausim Fuji, 4-3. Na NGI i salim gen long Brown Eagles.



Puipui win pinis...Ol pilaia bilong Wantoks i laik autim Nassain Puipui (namba 8) bilong All-stars tasol i no inap. Meri nogut i tasim namba tri bes pinis.

Ol meri NGI lusim Mosbi bikos no gat inap pilaia

MESERY GUBAG i raitim

A GRET tim bilong NGI long Mosbi Wimens Sofbal i pulaut long resis bilong dispela sisen bihain long ol i pinisim olgeta pilai bilong raun wan.

Tim kepten Julie Tatai i tok ol i pulaut bikos i no bin gat inap meri long pilai. Sampela long ol pilaia em ol studen na sampela i save wok. Olsem na planti bilong ol i no save kamap long olgeta gem.

Em i bin raitim pas na givim long ol eksekutiv bilong Mosbi Wimens Sofbal Asosiesen long Tunde, Januari 5. Eksekutiv i kibung long Fonde, Januari 7.

Misis Tatai i tok dispela i namba wan taim bilong ol long pulaut. "Bikos long sampela gem, mipela save gat 6-pela pilaia tasol. Na dispela i no inap bikos long sofbal, wanpela

tim i mas gat 9-pela pilaia.

"Olsem na long dispela sisen, mipela i no inap pilai. Neks yia mipela bai traime long kam bek gen. Tasol mipela bai stat long B gret. Bikos em i wanpela lo bilong sofbal asosiesen.

"Long dispela sisen, D gret tim bilong mipela ol meri tasol bai pilai," Misis Tatai i tok.

Em i tok ol tu i senisim kosa bilong D gret tim bilong ol meri. Na kosa ya em Nick Tata. Em i senisim Gabriel Pamel.

NGI i bin go insait long Mosbi Wimens Sofbal resis long 1990. Em i wanpela nupela tim. Na planti ol yangpela meri i memba bilong dispela klap.

Meri husat i bin go pas long kamapim dispela tim em Julie Tatai.



Tatai...NGI pulaut bikos no gat inap pilaia.

Bikpela kibung bilong ol kain kain pilai kamap long Is Nu Briten

IS NU Briten spot opis long dispela wik bai holim wanpela bikpela kibung bilong ol kain kain pilai.

Dispela kibung bai kamap long Januari 15, 1993 long Malaguna Teknikel Koles. Het tok bilong dispela kibung em "Gol 2,000."

Dispela het tok i bihainim tasol tingting bilong Is Nu Briten spot opis long kamapim wok bilong ol kain kain pilai insait long provins. Ol opisa i laikim wok bilong spot long provins long kamap gut taim ol i bungim yia 2,000.

Provinsal spot opisa, Beddy Jubilee i laikim olgeta mausman bilong ol kain kain pilai insait long provins long kamap long dispela kibung. Beddy i

laikim tu ol lain husat i save lukautim wok bilong ol kain kain pilai long wan wan distrik na komyuniti gavman eria insait long provins long kamap long dispela kibung.

Long kibung, ol bai toktok long ol hevi em i save kamap long wok bilong spot, plenim spot progrem namel long dispela yia na yia 2,000, kamapim junia spot na mekim ol wok bilong spot insait long provins na wan wan distrik na komyuniti gavman eria.

Tupela mausman bilong Nesanel Spot Komisen tu bai stap insait long dispela kibung. Tupela ya em John Kambou na Jane Waddy.

Las gem bilong raun tu long Kimbe sofbal

WINIS MAP i raitim

KIMBE Sofbal Asosiesen (KSA) bai pinisim olgeta gem bilong raun tu long dispela wiken. Na statim raun tri long neks wiken.

KSA inap pinisim gem bilong raun tu longtaim tasol ol i bin stapim ol pilai inap long tupela wiken. Long wanem planti pilaia i go amamasim Krismas na i no kamap long taim bilong pilai.

Long sisen bilong 1992 na 1993, 12-pela tim i rejista na i wok long pilai. Ol man i gat 6-pela tim na ol meri tu i wankain.

Bihain long sampela strongpela gem i kam inap nau, ol boi Gazelle i

bosim namba wan ples long poin lata. Long olgeta gem ol i pilai, ol i lus long wanpela na winim ol arapela. Tim i stap namba tu em Island Hawks. Hawks em tim bilong ol boi Matupit.

Na long tim bilong ol meri, ol susa nogut bilong Norths i wok long kamapim planti bagarap stret long Kimbe. Norths yet i bosim namba wan ples taim ol rapmeri bilong Gazelle 1 i wok long bihainim ol long namba tu ples. Las long poin lata em Gazelle 2 taim ol kas bilong Hoskins i stap long namba 3 pies.


Dispela wiken bai i gat tupela gem, sampela pilai bai kamap long Sarere na ol arapela bai kamap long Sande.




• Antap: Ol lain boi bilong Porebada tim husat i save pilai long NCD op sisen ragbi lig resis long Kone Tigers graun long Mosbi. Lephon: Dominic "Doco" Kakas bilong plis tim i laik rausim bal long mak bilong em.



• Tupela susa bilong Lands na Labcis i brukim long Sarere. Lands i bin winim dispela kik bilong ol meri long Mosbi pablik sevan soka.



• Samuel Iaita bilong Lands i samsam na danis liklik wantaim bal las wiken.



• Pala Manet (namba 3) bilong All-stars i autim pinis dispela beta bilong Wantoks long A gret resis bilong ol meri Mosbi las wiken. All-stars i win, 13-4. Ol poto: Ivan Bayagau.

**BENSON
& HEDGES
SOCCER**



• Ol lain boi bilong Borderline A gret tim i bilas pinis long yunifom na redi tasol long go pilai. Ol i save pilai long Hohola op sisen ragbi lig resis. Poto: Miri Aiori.

Paia kampani givim helpim long Hoods soka klap

WINIS MAP I raltim

HOODS soka klap long Mosbi i bin amamas tru long dispela wik. Bikos ol i painim wanpela bisnis kampani husat i orait long givim sponsa long ol.

Na kampani husat i

givim sponsa long sapatim ol em Firesafe Pty Limited. Dispela kampani i save salim ol samting bilong wan na banisim paia long kamap long haus, ol ples bilong wok na ol kain kain arapela hap i gat ol man, meri na pikinini.

Long karamapim dis-

pela sponsa, kampani i givim ol yunifom wantaim sampela mani long klap.

Jenerel menesa bilong Firesafe Pty Limited, Len Finlay i bin givim ol dispela samting i go long kosa bilong Hoods, Scott Vavine. Dispela i namba wan taim bilong Firesafe Pty Limited long givim helpim long wanpela spot tim.

Sponsa bilong Firesafe Pty Limited i kamap inap long K1,100. Long dispela mani, ol i yusim K500 long baim yunifom na narapela K600 bai go long baim afiliesen fi bilong klap wantaim Mosbi Soka Asosiesen (PMSA).

Finlay i tok tu olsem kampani i tingting tu long kamap olsem sponsa bilong Hoods spot tonamen. Dispela tonamen bai kamap



• Bosman bilong Firesafe, Len Finlay long lephan i givim nupela yunifom i go long kosa bilong Hoods Scott Vavine.

sampela taim long dispela yia. Na ol opisal i wok long redim ol samting bilong tonamen.

Dispela em i namba tu yia bilong Hoods long stap insait long

PMSA kik resis. Las yia i bin namba wan taim na ol i stat long namba tu divisen. Na long dispela yia, ol bai kik long namba wan divisen. Long wanem ol i bin kamapim gutpela kik tru las yia na



• Tripela pilai bilong Hoods i soim ol yunifom em Firesafe Pty Ltd i givim.

winim wanpela spes long namba wan divisen long dispela yia.

Vavine i gat bikpela bilip olsem ol boi bai kamapim gutpela kik long dispela yia. Na em i gat bilip long ol i

surik i go antap long primia divisen.

Kosa i laikim Hoods long kik long primia divisen neks yia. Na sapos olsem wanem, sampela boi bilong em tu bai wokim nem insait long nesanel tim.



Klia long Angat...Maureen Angat bilong Lands i saltim al na redi tasol long rausim bal taim ol i pilai wantaim Labcis las wiken. Lands i winim pilai.

Water Board kalapim mak bilong Madang sofbal

BEN TAUMAI I raltim

WATER Board i bin kamapim gutpela pilai tru long Madang las wiken na wilwilim Malangan, 4-1.

Dispela bagarap i bin kamap long bikpela sofbal gem bilong ol man long Sande apinun.

Ol lain boi bilong lukautim wara long Madang i winim pilai bikos ol i gat yusim gut ol roket bilong tim, paitim ol

gutpela strongpela bal na was gut tru long ol beta bilong Malangan taim ol boi Nu Ailan i paitim bal.

Narapela samting tu i kirapim olgeta tingting na bel bilong Water Board long winim dispela pilai em nupela yunifom bilong ol. Lae Builders kampani i givim ol dispela nupela yunifom.

Ol Malangan i kisim namba wan bet bilong paitim bal tasol ol lain waraboi i no larim ol. Water Board i kirapim das na autim tasol

tripela namba wan beta bilong Malangan long K2.

Orait long taim ol Water Board i paitim bal, kwiktai ol i salim tripela beta bilong ol i go hom. Dispela tripela man em Parau Tavua, Arthur Palat na Quentine.

Bihain long namba tu ining, tupela tim wantaim i hat olgeta na i no larim narapela long salim ol rana i go long hombes. Olgeta beta i save go inap long namba tu bes tasol na ining bai pinis.

Wanpela poin bilong Malan-

gan i bin kam yet long helikopta bilong ol, Patrick Kramer long namba 6 ining.

Tupela tim wantaim i kamapim gutpela pilai tasol Malangan i lus bikos ol i paitim planti i go antap tumas. Olsem na ol outfilda bilong Water Board i autim ol isi isi tasol.

Ol pilai bilong las wiken tu i makim ol las gem bilong raun tu. Na ol pilai bilong raun tri bai stat long dispela wiken.

Wau redi long Momase Shotokan tonamen

ARI GUH DANDEE I raltim

RESIS bilong pait bilong ol man husat i save tren wantaim Shotokan kung fu skul bai kamap long Wau insait long Morobe provins.

Dispela tonamen bai kamap long 13 Februari.

Sapos ol wan wan klap bilong Momase rijon olsem long Madang, Lae, Bulolo, Is na Wes Sepik i gat inap mani, olgeta bai salim tim long pait.

Man husat i gat namba bilong pait wantaim Shotokan klap

long Wau, Arthur Yang i tok ol i makim pinis 10-pela man bilong makim Wau long dispela resis.

Na dispela ol lain i wok long tren nau ainit long lukaut bilong Winston Gewa. Winston i kisim ples bilong instrakta bilong klap, Haman Kizok husat i stap nau long Madang.

Yang i tok long dispela resis long Wau, ol bai lukluk na makim sampela man long karim nem bilong Momase rijon long nesanel tonamen long Rabaul long dispela yia.

Dispela tu bai i namba wan taim bilong Wau long lukautim kain resis olsem.

Works resis long winim namba wan sia long PSSA

i kam long pes 24

taim liklik egens long ol plisman long McGregor Bareks.

Ol plisman i gat gutpela golkipa Abiang Kera na Boti long fulbek na Justus Babo long midfil.

Babo na Abiang i holim stia long tokaut long win bilong McGregor Bareks.

NPF i gat ol biknem soka pilai bilong Mosbi olsem Jackson Ngahan, Steven Mune, Francis Moiyap, Kawaten Pombuai, Polin Kanamon, na Soni long winim gem.

Joe Turia na Francis Kupe bai go pas long POSF long daunim pawa bilong Home Affairs. PTC bai nekim ol boi CMB, na Elcom long daunim ol Habours Board.

Long Sande, Lands bai skelim strong bilong Carol Panui and Chikiu bilong Yunivesiti.

Sapos Lands i laik win, ol i mas was gut long Chikiu na Colin. Chikiu i opim rot bilong Yuni egens long NBC las wik. Ol i nilim stret ol NBC, 6-1.

PNGBC bai wilwilim yet Jastis. Kosa bilong PNGBC i mas tingim gut tupela pilai ya Joe Koiri na Samson Sangen. I luk olsem dispela tupela man i no ken stap riserv.

Koiri na Samson i gat gutpela straik, na ol i mas stap long namba wan tim.

Tupela yet i bin go pas na autim Helt last wik. Sapos tupela i no pilai ating PNGBC bai kisim taim ya.

DPM bai nekim ol boi bilong 5 mail, NBC. Las wik, NBC i paia long han bilong ol Yuni, 6-1.

DCA bai givim sut long ol Helt na Santos na ol boi bilong em long Natres bai skelim strong bilong Edukesen.



BENSON & HEDGES SOKA

Wantok

pes 24

PNGFA LAIKIM AFILIESEN FI ... pastaim long AGM

WINIS MAP i raitim

PAPUA Niugini Futbol Asosiesen i laikim nau ol soka senta insait long kantri long baim ol afiliesen fi bilong ol.

Presiden bilong Papua Niugini Futbol Asosiesen (PNGFA), Peter Mommers i tok dispela ol fi mas kamap long asosiesen pastaim long ol kik bilong dispela yia i stat.

Em i tok olgeta rekot bilong asosiesen long wok bilong mani i mas stret pastaim long bikpela kibung bilong PNGFA (AGM) i kamap long 23 Janueri, 1993. AGM bilong asosiesen bai kamap long Nesenel Spot Institut (NSI) long Goroka, Isten Hailans provins. Kibung bai stat long 10 klok moning.

Long dispela yia, PNGFA i brukim ol senta i go long A na B grup. Ol lain husat i stap insait long ol A senta grup em Madang, Manus, Rabaul, Lae, Mosbi, Wabeg, Goroka, Hagen na Wewak. Na ol B senta em Vanimo, Popondetta, Kimbe, Kavieng, Kokopo, Buka, Tabubil, Morobe Kantri na Ramu.

Mommers i tok afiliesen fi bilong ol A senta long dispela yia em K1,000 na ol B senta em K500.

Presiden i laikim tu olsem olgeta senta i mas salim ol mausman bilong ol i go long kibung. Bikos i gat planti samting bilong toktok na ol senta i mas gat mausman bilong save long wanem samting i kamap. Na planti em ol nupela senis samting em PNGFA i laik kamapim long wok bilong soka long dispela yia.

Em i tok olsem i gutpela long olgeta senta i baim afiliesen fi bilong ol pastaim long kibung. Bikos wanem senta i no baim ol fi bai i no inap tok tok long taim bilong AGM.

Tasol em i tok, "Mi no pasim ol mausman bilong ol wan wan soka asosiesen long kamap long kibung. Maski sapos ol i no baim fi, ol i ken go tu long kibung.

"Tasol ol i no inap toktok long autim wari o hevi o wanem kain tingting ol i gat long wok soka long dispela yia," em i tok.

Olsem na presiden i tok, long stapim dispela kain pasin long kamap, "i mobeta olgeta senta i baim ol fi bilong ol pastaim long kibung i kamap."

Nupela tingting long Lae soka

LAE Futbol Asosiesen (AFA) bai holim bikpela kibung (AGM) bilong en long 18 Janueri, 1993 na presiden John Peka i laikim olgeta klap eksekutiv long kamap long dispela kibung.

Long kibung, ol bai toktok long tripela bikpela samting. Dispela ol samting em long makim nupela tresera o man bilong lukautim mani, 5-pela yia plen bilong asosiesen na 1993

soka kalenda. Dispela tripela samting i stap long ol toktok bilong AGM.

Peka i laikim olgeta klap eksekutiv long kamap long kibung. Bikos bai i gat planti toktok i kmap.



Pawa bilong Labcis...Straika bilong Labcis i kalkai tit, pasim ai na suvim nus long traim kisim bal long ol beklain pilala biong Lands. Tasol i luk olsem midfil pilala bilong Lands i sambai pinis na rausim pawa bilong Labcis na winim gem. Foto: Ivan

INSAIT

• Ol kain kain spot poto...p22



• Ol meri NGI lusim Mosbi...p21

• Bikpela spot bung Rabaul...p21

• Ol Mosbi Hawks rausim lain Chebu..p21

Works resis long winim namba wan sia long PSSA

HENRY MORABANG i raitim

BIKPELA resis bilong bosim poin lata bilong Mosbi Pablik Sevan Soka i wok long stap namel long NPF na nupela tim Works.

NPF i bin pilai 10-pela gem pinis na Works em 9-pela tasol. Tupela tim wantaim i sindaun nau long 17 poin.

Woks em i nupela tim tasol ol pilala i no nupela long soka. Tim ya i gat ol biknem pilala olsem Willie Kupe, Wesley Waiwai na Sais Mathias long strongim tim.

Waiwai na Sais i gat nem. Sais em stail mangi bilong Guria na Waiwai em roket bilong Rapatona tim.

Dispela wik Works bai skelim strong bilong Labcis. Labcis i wankain olsem Works. Em i nupela tim.

Works i gat bikpela sans tru long winim dispela gem. Labcis i gat liklik sans tasol.

Kosa bilong Works, Gordon Lee bai wokim liklik puripuri bilong em long daunim pawa bilong ol boi Leba na CIS.

Dispela wik Sarere, Lee bai putim yet Waiwai, Jacob, na boi ros Sais long autim Labcis.

Works bai win tasol ol i no ken lukdaun long Labcis. Labcis i wok long kamapim gutpela pilai stret ya.

Las wik, Labcis i autim tiket bilong Lands, 1-0.

Man i go pas long autim tiket bilong Lands em Clement Ananias. Clement em wanpela intanesenel pilala bilong Hagen tasol nau em i stap long Mosbi.

NCDC PUBLIC SERVANTS SOCCER ASSOCIATION DRAW				
WEEKEND: 12 Date: Saturday 16/01/92				
Game	Time	Fixture		Division
1	8:00	H/Board	vs Eicom	Men
2	9:10	H/Board	vs Works	Women
3	10:00	Teachers	vs Eicom	Women
4	10:50	PTC	vs CMB	Men
5	12:00	PTC	vs Health	Women
6	12:50	H/Affairs	vs POSF	Men
7	2:00	H/Affairs	vs Taxation	Women
8	2:50	Labcis	vs NPF	Women
9	3:40	Labcis	vs Works	Men
10	4:50	NPF	vs P/MCgregor	Men
Sunday 17/01/93				
Game	Time	Fixture		Division
1	8:00	Lands	vs UNI	Men
2	9:10	Lands	vs UNI	Women
3	10:00	PNGBC	vs Justice	Women
4	10:50	PNGBC	vs Justice	Men
5	12:00	NBC	vs DPM	Women
6	12:50	NBC	vs DPM	Men
7	2:00	DCA	vs P/Minister	Women
8	2:50	Education	vs Housing	Women
9	3:40	DCA	vs Helath	Men
10	4:50	Education	vs Natres	Men

Bye: Teachers (Men)

Clement bai kisim gutpela sapat tru long Mark long fulbek na Michael Pasar long midfil. Dispela tupela pilala i bin sapatim gut tru Clement long las wik na ol i win.

Long bikpela gem long Sarere, NPF bai painim i go moa long pes 23

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

Spak Mail

MI NOGUT O?



WAN WIK BIHAIN NA VASI SALIM BILL I GO LONG MINISTA MAIK... TAIM MAIK I LUKIM, EM SOTWIN KRANGI STRET...

YAU LULUAI!! RIP-OFF YAA!!!

VASI WOKSOP		
RIPEA BILL		
ITEM	COSF	LEBA
GIABOKS	K400	K200
ENGIN	300	100
PREKS	100	50
OIL	50	10
GASKET	50	20
KABORETA	250	50
REDIETA	40	20
ENGOSPAIP	300	100
SHAFT		
TOTAL	K2,830	TASOL

MINISTA MAIK I BELHAT NOGUT TRU... EM KIRAP NA SINGAUTIM SEKETERI BILONG EM...

SEKETERI!! SEKIM PETI KESH BOKIS... I GAT MONI O, NOGAT?!

YES, MINISTA! NET LIKLIK PASTAIM!

NAU SEKETERI I SEKIM PETI KESH TIL BOKIS TASOL NOGAT MONI TRU... FOTI TOEA TASOL...

SORI, BOS! MONI PINIS, FOTI TOEA TASOL I LEP!

©*?&!! KARIM FOTI TOEA I KAM LONG BAS FE!

LONG BAS-STOP, MAIK I SANAP NETIM BAS I STAP NA EM LUKIM HAYUNDAI BILONG EM I GO...

BAS STOP HEY? EM KAR BILONG MI YA! HEY!

EM BIKMAUS...

VASI! VASI! STOP! KAM BEK HIA!!

HARIAP TRU NA VASI PUTIM BREK NA SINGAUT IGO LONG MINISTA...

SORI TUMAS MINISTA! YU PEI MAI K2,000 EN YU GET YO KAR BEK, OK? KISIM BAS NAU!

HEY, GIVIM MI LIFT!



REBO



NEW YEARS SPECIAL!

INTEGRITY *

RICE COOKER OR TOASTER

RICE COOKER

- Choice of 3 models
- UR18c (1.8L) K49.95
 - UR22c (2.2L) K59.95
 - UR28c (2.8 L) K69.95



Cool Touch Electronic 2 Slice Toaster only **K32.95**

Brian Bell Stores

Prices may vary outside main centres


Musik Televison na Komik

PNG TOP 20

AS AT 9/1/93

NO.	SONG	ARTIST
1 (2)	Ailan Bilong Mi	Shutdown
2 (1)	Sila	Memehusa
3 (5)	He Turned My Morning	Sikal Kelep
4 (9)	Imuty Lele	Rabbie Gamenu
5 (3)	Namisali	Telek/Kuskus
6 (4)	Betty Betty	Rabbie Gamenu
7 (8)	Roglom Rosa	Rabbie Gamenu
8 (20)	Bilas Peles	George Telek
9 (12)	Iau Serious Tam	Painim Wok
10 (7)	Iau Serious Taim	George Telek
11 (14)	Krai Bilong G. Roots	Kopex
12 (10)	Mi Save Wari Tru	George Telek
13 (11)	Atalex Bay	Henry Kuskus
14 (17)	Eni Mihae	Voice In The Wind
15 (18)	Hauka Lareva	Greg/Paska
16 (19)	Peio Fasai	Lamaika
17 (0)	Peace In PNG	George Telek
18 (0)	Sweet Bougainville	Trouble Love Band
19 (0)	What Does It take	John Wong
20 (0)	God's Love	Higher Vision

• Ratings based on requests on Radio Kalang and not cassette sales.



EM TV

THURSDAY 14TH DECEMBER, 1992	7.58	EMTV TOK SAVE	WORLD SERIES 1ST FINAL
5.57	STATION OPEN	8.00 STATION CLOSE	4.57 CHIN H MEEN SUPER-SOUND NEW RELEASE
6.00	ITN NEWS (G)	2.50 STATION RE-OPEN	5.00 BONANZA (G)
6.30	TEENAGE MUTANT NINJA TURTLES (Rpt)	2.52 CHIN H MEEN SUPER-SOUND NEW RELEASE	6.00 NATIONAL EMTV NEWS
7.00	SESAME STREET (G)	2.57 EMTV TOK SAVE	6.30 BENSON & HEDGES
8.00	STATION CLOSE (G)	3.00 KIDS KONA	WORLD SERIES FINAL cont.
1.17	STATION RE-OPEN	4.00 SESAME STREET	9.30 FOCUS (G)
1.20	BENSON & HEDGES (G)	4.00 KIDS KONA	10.00 A RACE TO SAVE THE PLANET (G)
	WORLD SERIES CUP AUSTRALIA Vs PAKISTAN	4.30 FAT CAT (G)	11.00 NATIONAL EMTV NEWS (Rpt)
5.00	KIDS KONA	4.30 SCOOBY DO WHERE ARE YOU BEWITCHED: (G) "What Makes Darrin Run"	11.27 MEDIATION WITH PASTOR WALO ARNI
	BEWITCHED (G)	5.27 EMTV TOK SAVE	11.30 STATION CLOSE
5.27	EMTV TOK SAVE	5.29 EMTV NEWS BREAK	
5.29	EMTV NEWS BREAK	5.30 HOME AND AWAY (G)	SUNDAY 17TH JANUARY, 1993
5.30	HOME AND AWAY (G)	6.00 NATIONAL EMTV NEWS	4.27 STATION OPEN
6.00	NATIONAL EMTV NEWS	6.30 A CURRENT AFFAIR (G)	4.30 MUSIC & THE SPOKEN WORD (G)
6.30	A CURRENT AFFAIR (G)	7.00 NEIGHBOURS (G)	4.57 CHIN H MEEN SUPER-SOUND NEW RELEASE
7.00	BENSON AND HEDGES (G)	7.25 CHIN H MEEN SUPER-SOUND NEW RELEASE	5.00 BONANZA: "El Jaffe" (G)
	WORLD SERIES CUP CHIN H MEEN SUPER-SOUND NEW RELEASE	7.30 BURKE'S BACKYARD (G)	6.00 NATIONAL EMTV NEWS
9.25	CHIN H MEEN SUPER-SOUND NEW RELEASE	8.20 NCDC NEWS	6.30 WONDERFUL WORLD OF DISNEY: "Donovan's Kid" Part 1
9.30	NEIGHBOURS (G)	8.27 EMTV TOK SAVE	7.25 EMTV TOKSAVE
10.00	HEY DAD (G)	8.30 BEYOND 2000 (G)	7.30 48 HOURS (G)
10.25	CHIN H MEEN SUPER-SOUND NEW RELEASE	9.30 FRIDAY NIGHT MOVIE: "Don't Twisted" (M)	8.30 SUNDAY NIGHT MOVIE: "Journey To The Centre Of The Earth" (PGR)
10.30	NATIONAL EMTV NEWS	11.00 NATIONAL EMTV NEWS	10.00 GUNSMOKE: "Ales Festus Haggan" (G)
	Replay	11.27 MEDIATION WITH PASTOR WALO ARNI	11.00 NATIONAL EM-TV NEWS
11.00	BENSON & HEDGES	11.30 STATION CLOSE	11.27 MEDIATION WITH PASTOR WALO ARNI
	WORLD SERIES - HIGHLIGHTS		11.30 STATION CLOSE
11.57	MEDIATION WITH PASTOR WALO ARNI		
00.00	STATION CLOSE		
		FRIDAY 15TH JANUARY, 1993	
		10.27 STATION RE-OPEN	
		10.30 SKY ROCK (G)	
		12.00 THE ROTTEN TRUTH	
5.57	STATION OPEN	12.30 GILLETTE (G)	
6.00	ITN NEWS (G)	1.00 TBA	
6.30	TEENAGE MUTANT NINJA TURTLES (Rpt)	1.20 BENSON & HEDGES	



NEW YEAR USED CAR CLEARANCE

FINAL WEEK

WAS NOW

12/243	NISSAN UTILITY D/CAB	K 6900	K 4750
12/249	MAZDA 929 LX	11900	9500
12/252	MAZDA 929	7900	6500
12/257	MAZDA S/W	8900	6750
12/259	NISSAN B'BIRD 'SSS'	10900	9500
9/017	NISSAN LAUREL	5900	3000
10/060	NISSAN CEDRIC	8900	5500
10/202	TOYOTA STARLET	6500	5500
11/074	TOYOTA CRESSIDA	6900	4900
11/210	NISSAN STANZA	6900	5500
12/029	MAZDA MX6	8900	6500
12/040	TOYOTA CELICA	8900	6500
12/093	MAZDA 929 LX	10900	8500
12/150	HYUNDAI ELANTRA	13900	11900
12/159	MITSUBISHI MAGNA	6900	4500
12/160	HYUNDAI SONATA	13900	10750
12/163	FORD LASER	4500	3500
12/176	HYUNDAI SONATA	11900	8500
12/182	MAZDA T4000 TRUCK	6900	4500
12/185	TOYOTA CROWN	10900	6900
12/201	HYUNDAI SONATA	11900	8500
12/202	MITSUBISHI MAGNA	9900	7500
12/207	MAZDA 323	8500	6900
12/213	MAZDA 323	8900	7900
12/214	NISSAN B/BIRD S/W	8900	6900
12/219	MAZDA B2000 UTE	7900	7500
12/220	MITSUBISHI LANCER S/W	7900	6450
12/241	MITSUBISHI COLT	7900	6850
350	MITSUBISHI LANCER	6500	5500
347	MITSUBISHI COLT	9500	7500
345	HYUNDAI ELANTRA	16500	15000
337	SUZUKI 4X4	3500	2000
314	FORD 15 SEATER BUS	7900	5500
328	TOYOTA CRESSIDA	5500	3500
236	MAZDA 323	5900	3000
256	MITSUBISHI SPACE WGN	6500	4500
282	HYUNDAI SONATA	14900	11500
332	HYUNDAI SONATA	15500	12500


**PNG Motors and
Hyundai Used
Car Yards have
further
reduced prices
for the
Final Week.**

IF YOU ARE GENUINELY INTERESTED IN ANY OF THE
VEHICLES ON SALE PHONE EITHER

25 5788 or 25 8245

FINAL PRICE

REDUCTIONS



HYUNDAI

WARDS ROAD, HOHOLA NEXT TO BISHOP BROTHERS

MS/PNG92/SR

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.